

四庫全書薈要

• 乾隆御覽本

史部

欽定四庫全書薈要

史部

資治通鑑卷二百二十五

詳校官編修臣汪鏞



資治通鑑卷一百一十四 宋 司馬光 撰

胡三省 音註

東晉紀三十六

起梅家大荒落盡
著雍涪灘凡四年

安皇帝已

義熙元年春正月南陽太守扶風魯宗之起兵襲襄陽

桓蔚走江陵

蔚舒
勿翻

已丑劉毅等諸軍至馬頭桓振挾帝

出屯江津

江津戍在江陵南臨江潁荆州記曰江陵縣
東三里有津鄉水經注江陵城南有馬牧城

此洲始自枚回下迄于此長七十餘里洲上有奉城江津長所治

遣使求割江荆二州

奉送天子毅等不許卒卯宗之擊破振將溫楷于柞溪

水經注柞溪水出江陵縣北蓋諸池散流咸所會合積以成川東流逕魯宗之壘南又東注船官湖將即亮翻

柞才各翻又音作

進屯紀南

郡國志江陵縣北十餘里有紀南城

振留桓譙馮該

守江陵引兵與宗之戰大破之劉毅等擊破馮該於豫

章口

水經注江水過江陵而東得豫章口夏水所通也西北有豫章岡蓋因岡而得名其地去江陵城二

里桓譙棄城走毅等入江陵執卞範之等斬之桓振還

望見火起知城已陷其衆皆潰振逃于湏川

水經注湏水出漢南

陽郡蔡陽縣東南大洪山東南流過隨縣西又南過江夏安陸縣西又東南入于夏瀨音云

乙未詔

大處分悉委冠軍將軍劉毅

處昌呂翻分扶問翻冠古玩翻

戊戌大赦

改元惟桓氏不原以桓冲忠於王室特宥其孫胤以魯

宗之為雍州刺史毛璩為征西將軍都督益梁秦涼寧

五州諸軍事璩弟瑾為梁秦二州刺史璩為寧州刺史

雍於用翻璩求於翻瑾渠本翻璩于卷翻

劉懷肅追斬馮該於石城桓謙桓

怡桓蔚桓謚何澹之溫楷皆奔秦

蔚舒勿翻澹徒覽翻

怡弘之弟

也

桓弘死見上年

燕王熙伐高句麗

句如字又音駒麗力知翻

戊申攻遼

東城且陷熙命將士毋得先登俟剗平其城朕與皇后

乘輦而入

剗楚限翻

由是城中得嚴備不克而還

後齊高緯之攻晉州

亦若是還從宣翻又如字

秦王興以鳩摩羅什為國師奉之如神

親帥羣臣及沙門聽羅什講佛經

帥讀曰率下同

又命羅什翻

譯西域經論三百餘卷

古之譯者傳四夷之言今羅什翻夷言為華言故曰譯

大

營塔寺沙門坐禪者常以千數

禪靜也寂也傳燈錄曰禪有五有凡夫禪有外

道禪有小乘禪有大乘禪有最上乘禪禪時連翻

公卿以下皆奉佛由是州郡

化之事佛者十室而九

乞伏乾歸擊吐谷渾大孩大

破之俘萬餘口而還大孩走死胡園

晉書吐谷渾傳吐谷渾王烏乾堤一

名大孩胡園作胡國孩何開翻

視羅世子樹洛干帥其餘衆數千家奔

莫何山

莫何山在西傾山東北西傾亦名嶺臺山帥讀曰率

自稱車騎大將軍大

單于吐谷渾王

騎奇寄翻單音蟬

樹洛干輕徭薄賦信賞必罰

吐谷渾復興

復扶又翻

沙強諸戎皆附之

段國曰洮河郡西南一百七十里有

黃沙南北二百二十里東西七十里西極大楊川望之若人委稱據於地不生艸木蕩然黃沙周回數百里洮水出強臺山東北逕吐谷渾中自洮嶺南北三百里中地草皆是龍鬚而無樵柴謂之強川強渠良翻

西涼公嵩自稱大將軍大都督領秦涼二州牧

嵩古大老翻

赦改元建初遣舍人黃始梁興間行奉表詣建康

間古
覓翻

二月丁巳留臺脩法駕迎帝於江陵劉毅劉道規留

屯夏口

夏戶
推翻

何無忌奉帝東還

初毛璩聞桓振陷江

陵帥衆三萬順流東下將討之使其弟西夷校尉瑾蜀

郡太守瑗出外水

璩求於翻瑾渠谷翻瑗于眷翻蜀有
內水外水內水涪水也外水即蜀江

發源於
岷山者

參軍巴西譙縱侯暉出涪水蜀人不樂遠征暉

至五城水口

涪音浮樂音洛水經注涪水自南安郡南
流其支流西逕廣漢五城縣為五城水又

西至成都入于江又曰江水東絕絲洛逕五城界至廣
都北岸南入于江謂之五城水口斯為北江沈約宋志

五城縣屬廣漢郡晉武帝咸寧四年立華陽國志云漢時立倉發五縣人尉部主之晉因立五城縣在五城山按五代志蜀郡立武縣舊與巴西陽暎謀作亂暎美縱曰伍城立武縣唐屬梓州萬翻

為人和謹蜀人愛之暎昧共逼縱為主縱不可走投于

水引出以兵逼縱登輿縱又投地叩頭固辭暎縛縱於

輿還襲毛瑾於涪城殺之涪音推縱為梁秦二州刺史

璩至略城

據晉書毛璩傳略城去成都四百里

聞變奔還成都遣參軍王

瓊將兵討之

將即亮翻

為縱弟明子所敗

敗補

死者什八九

益州營戶李騰開城納縱兵

民有流離逃叛分殺璩及

弟瑗滅其家縱稱成都王以從弟洪為益州刺史以明
子為巴州刺史屯白帝於是蜀大亂漢中空虛氏王楊
盛遣其兄子平南將軍撫據之 癸亥魏主珪還自豺

山罷尚書三十六曹

魏三十六曹始見於
一百九卷隆安元年

三月桓振

自鄆城襲江陵

杜預曰江夏雲杜縣東南有鄆城古鄆
子之國鄆音云振先逃於鄆川鄆城蓋

在鄆川也
鄆音云

荊州刺史司馬休之戰敗奔襄陽振自稱荆

州刺史建威將軍劉懷肅自雲杜引兵馳赴與振戰於

沙橋

沙橋在江
陵城北

劉毅遣廣武將軍唐興助之臨陳斬振

陳靖復取江陵

復扶又翻下復論尋復復說同

甲午帝至建康乙未百

官詣闕請罪詔令復職尚書殷仲文以朝廷音樂未備

言於劉裕請治之

治直之翻

裕曰今日不暇給且性所不解

解戶買翻仲文曰好之自解裕曰正以解則好之故不

習耳

英雄之言正自度越常流世之皆音者可以自省矣好呼到翻

庚子以琅邪王

德文為大司馬武陵王遵為太保劉裕為侍中車騎將

軍都督中外諸軍事徐青二州刺史如故劉毅為左將

軍何無忌為右將軍督豫州揚州五郡軍事豫州刺史

劉道規為輔國將軍督淮北諸軍事并州刺史魏詠之

為征虜將軍吳國內史裕固讓不受加錄尚書事又不

受屢請歸藩

歸藩歸京口也

詔百官敦勸帝親幸其第裕惶懼

復詣闕陳請乃聽歸藩以魏詠之為荊州刺史代司馬

休之初劉毅嘗為劉敬宣寧朔參軍

劉敬宣為寧朔將軍毅為參軍時

人或以雄傑許之敬宣曰夫非常之才自有調度

調徒弔翻

豈得便謂此君為人豪邪此君之性外寬而內忌自伐

而尚人若一旦遭遇亦當以陵上取禍耳

敬宣之論毅其知之固審

矣然幾以此撤禍聖人包周身之防正為是耳毅聞而恨之及敬宣為江州辭

以無功不宜授任先於毅等

先悉薦翻

裕不許毅使人言於

裕曰劉敬宣不預建義猛將勞臣方須叙報

將即亮翻

如敬

宣之比宜令在後若使君不忘平生

裕參劉牢之軍事牢之父子雅敬侍

之故云然

止可為員外常侍耳

員外散騎常侍魏末置

聞已授郡實為

過優

敬宣自北來歸裕以為晉陵太守

尋復為江州尤用駭惋

惋烏貫翻

敬

宣愈不自安自表解職乃召還為宣城内史

夏四月

劉裕旋鎮京口改授都督荆司等十六州諸軍事加領

兗州刺史

盧循遣使貢獻

使疏
史翻

時朝廷新定未暇征

討壬申以循為廣州刺史徐道覆為始興相循遺劉裕

益智粽

遺于季翻本草曰益智子生崑崙國今嶺南州郡往往有之顧微交州記曰益智葉如蓂荷莖

如竹箭子從心出一技有十子子肉白滑四破去之蜜煮為粽味辛粽作弄翻角黍也

裕報以續

命湯

循以益智朝裕裕以續命報之此雖淺陋亦兵機也

循以前琅邪內史王誕

為平南長史誕說循曰誕本非戎旅在此無用

說輸為
翻王氏

江南衣冠稱首故云本非戎旅

素為劉鎮軍所厚若得北歸必蒙寄任

公私際會仰答厚恩循甚然之劉裕與循書令遣吳隱

之還循不從誕復說循曰

又復扶

將軍今留吳公公私非

計孫伯符豈不欲留華子魚邪但以一境不容二君耳

於是循遣隱之與誕俱還

元興元年桓玄流王誕於嶺南二年盧循破廣州虜吳隱

之誕并沒於循所漢獻帝建安四年華歆以豫章歸孫策策死曹操表名歆孫權遣還許華戶化翻

初

南燕主脩德仕秦為張掖太守

事見一百二卷海西公太和五年

其兄

納與母公孫氏居于張掖脩德之從秦王堅寇淮南也

寇淮南見一百五卷孝武帝太元八年

留金刀與其母別脩德與燕王垂

舉兵於山東張掖太守符昌收納及脩德諸子皆誅之

公孫氏以老獲免納妻段氏方娠未決獄掾呼延平備

德之故吏也

掾于緇翻

竊以公孫氏及段氏逃于羌中段氏

生子超十歲而公孫氏病臨卒以金刀授超曰汝得東

歸當以此刀還汝叔也呼延平又以超母子奔涼及呂

隆降秦超隨涼州民徙長安

秦徙涼州民事見上卷元興二年

平卒段

氏為超娶其女為婦超恐為秦人所錄

為于偽翻錄采也收也為所收

采則不得歸南燕矣

乃陽狂行乞秦人賤之惟東平公紹見而異

之言於秦王興曰慕容超姿幹瓌偉

瓌公回翻

殆非真狂願

微加官爵以縻之興名見與語超故為謬對或問而不

答興謂紹曰諺云妍皮不裹癰骨徒妄語耳乃罷遣之

脩德間納有遺腹子在秦遣濟陰人吳辯往視之

濟子禮翻

辯因鄉人宗正譙賣卜在長安以告超

宗正以官為氏

超不敢

告其母妻潛與譙變姓名逃歸南燕行至梁父

父音甫

鎮

南長史悅壽以告兗州刺史慕容法

南燕以法為兗州刺史鎮梁父

法

曰昔漢有卜者詐稱衛太子

見二十三卷漢昭帝始元五年

今安知非

此類也不禮之超由是與法有隙

為超立法謀反張本

脩德聞超

至大喜遣騎三百迎之

騎奇寄
翻下同

超至廣固以金刀獻於

脩德脩德慟哭悲不自勝

勝音升

封超為北海王拜侍中

驃騎大將軍司隸校尉

驃匹
妙翻

開府妙選時賢為之僚佐

脩德無子欲以超為嗣超入則侍奉盡歡出則傾身下

士

下戶
嫁翻

由是內外譽望翕然歸之

五月桂陽太守章

武王秀

義陽王望子河間王洪生子威徙封章武傳至
孫無嗣河間王欽以子範之繼之秀範之子也

及益州刺史司馬軌之謀反伏誅秀妻桓振之妹也故

自疑而反

桓玄餘黨桓亮苻宏等擁眾寇亂郡縣者

以十數劉毅劉道規檀祗等分兵討滅之荆湘江豫皆

平詔以毅為都督淮南等五郡軍事豫州刺史

淮南廬江歷陽

晉熙安豐凡五郡

何無忌為都督江東五郡軍事會稽內史

會工

外翻

北青州刺史劉該反引魏為援

隆安五年劉該固嘗降魏矣沈約曰

江左青州治廣陵

清河陽平二郡太守孫全聚眾應之六月魏

豫州刺史索度真大將斛斯蘭

斛斯亦虜姓也

寇徐州圍彭城

劉裕遣其弟南彭城内史道憐東海太守孟龍符將兵

救之

將即亮翻

斬該及全魏兵敗走龍符懷玉之弟也

秦

隴西公碩德伐仇池屢破楊盛兵將軍斂俱攻漢中

斂

之種姓俱其名

拔成固徙流民三千餘家於關中秋七月楊盛

請降於秦

降戶江翻

秦以盛為都督益寧二州諸軍事征南

大將軍益州牧

劉裕遣使求和於秦

使疏史翻

且求南鄉

等諸郡秦王興許之羣臣咸以為不可興曰天下之善

一也劉裕拔起細微能誅討桓玄興復晉室內釐庶政

外修封疆吾何惜數郡不以成其美乎遂割南鄉順陽

新野舞陰等十二郡歸於晉

隆安二年淮漢以北多降于秦此十二郡蓋皆在漢

北漢建安中割南陽右壤為南鄉郡晉立順陽郡以南鄉為縣蓋其後復分立郡也按晉南鄉郡秦漢陰縣及鄧縣之地今為光化軍舞陰縣屬南陽郡未知立郡之始八月燕遼西太守邵顏有

罪亡命為盜九月中常侍郭仲討斬之

汝水竭

汝當作女

郭緣生述征記齊桓公冢在齊城南二十里冢東有女水或曰齊桓公女冢在其上故以名水女水導川東北流甚有神焉化隆則水生政薄則津竭地理志龜頭山女水所出東北至臨苗入鉅淀鉅淀即漢鉅定地晉書地理志女水出齊國東安平縣東北

南燕主脩德惡之

惡烏路翻

俄而寢疾北

海王超請禱之脩德曰人主之命短長在天非汝水所

能制也固請不許戊午脩德引見羣臣于東陽殿

見賢通翻

議立超為太子俄而地震百官驚恐脩德亦不自安還

宮是夜疾篤瞑不能言段后大呼令召中書作詔立超

可乎

呼火故翻

脩德開目頷之乃立超為皇太子大赦脩德

尋卒

年七

為十餘棺夜分出四門潛瘞山谷

瘞一計翻

已未

超即皇帝位

超字祖明德兄北海王鮑之子

大赦改元太上尊段后為

皇太后以北地王鍾都督中外諸軍錄尚書事慕容法

為征南大將軍都督徐兗揚南兗四州諸軍事加慕容

鎮開府儀同三司以尚書令封孚為太尉麴

麴當作鞠

仲為

司空封嵩為尚書左僕射癸亥虛塋備德於東陽陵謚
曰獻武皇帝廟號世宗超引所親公孫五樓為腹心備
德故大臣止地王鍾段宏等皆不自安求補外職超以
鍾為青州牧宏為徐州刺史公孫五樓為武衛將軍領
屯騎校尉內參政事封孚諫曰臣聞親不處外羈不處
內左傳申無宇諫楚靈王曰親不在外羈不在內處昌呂翻鍾國之宗臣社稷所賴
宏外戚懿望百姓具瞻正應參翼百揆不宜遠鎮外方
今鍾等出藩五樓內輔臣竊未安超不從鍾宏心皆不

平相謂曰黃犬之皮恐終補狐裘也

史記駭忌相奔淳于髡謂之曰狐裘

雖弊不可補以黃犬之皮駭忌曰謹受令請謹擇君子毋雜小人其間

五樓間而恨之

魏詠之卒江陵令羅修謀舉兵襲江陵奉王慧龍為主

劉裕以并州刺史劉道規為都督荆寧等六州諸軍事

荊州刺史修不果發奉慧龍奔秦

慧龍得免見上卷元興三年

乞

伏乾歸伐仇池為楊盛所敗

敗補通翻

西涼公嵩與長史張

邈謀徙都酒泉以逼沮渠蒙遜

沮子余翻

以張體順為建康

太守鎮樂涇

漢志樂涇縣屬酒泉郡張氏分為建康郡涇音官

以宋繇為敦煌

護軍與其子敦煌太守讓鎮敦煌遂遷於酒泉

李嵩遷酒泉欲

以逼沮渠蒙遜安知反為家避所逼邪敦煌徒門翻

曷手令戒諸子以為從政者

當審慎賞罰勿任愛憎近忠正遠佞諛

近其新翻速于願翻

勿使

左右竊弄威福毀譽之來當研覈真偽聽訟折獄必和

顏任理慎勿逆詐億必

朱子曰逆未至而迎之也詐謂人欺已也億未見而意之也必

期必也輕加聲色務廣咨詢勿自專用吾涖事五年雖

未能息民然含垢匿瑕朝為寇讐夕委心膺粗無負於

新舊

粗坐五翻事任公平坦然無類類虛對翻絲節也疵也

初不容懷

有所損益計近則如不足經遠乃為有餘庶亦無愧前

人也 十二月燕王熙襲契丹

契丹本東部落其先為匈奴所破保鮮卑山魏

青龍中部酋軻比能桀驁為幽州刺史王雄所殺部眾遂微逃潢水之南黃龍之北後自號曰契丹種類繁盛

契丹古翻程大昌曰契丹之契讀曰喫

二年春正月甲申魏主珪如豺山宮諸州置三刺史郡

置三太守縣置三令長刺史令長各之州縣

長知兩州之往也

太守雖置而未臨民功臣為州者皆徵還京師以爵歸

第益州刺史司馬祭期擊譙明子于白帝破之 燕

王熙至陞北

陞北冷陞山之北也陞音刑

畏契丹之衆欲還苻后不

聽戊申遂棄輜重

重直用翻

輕兵襲高句麗

南燕主超猜

虐日甚政出權倖盤于遊畋

盤樂也言樂于田獵遊逸

封孚韓諱屢

諫不聽

丁度曰諱竹角翻

超嘗臨軒問孚曰朕可方前世何主

對曰桀紂超慙怒孚徐步而出不為改容

為于偽翻鞠仲謂

孚曰與天子言何得如是宜還謝孚曰行年七十惟求

死所耳竟不謝超以其時望優容之桓玄之亂河間

王曇之子國璠叔璠奔南燕

河間王顯死無後元帝以彭城王植子融為顯嗣亮

又無子帝復尋以彭城王釋子欽為融嗣欽薨星之嗣
星之亮國鎮嗣國璠蓋國鎮兄弟劉裕興復篡意未彭
國璠宜如劉敬宣輩南歸可也乃攻授晉邊者欽孫秀
嗣封章武國璠從兄弟也秀以拒振妹壻謀反誅故國
璠兄弟不敢南歸耳宜知裕之
必篡哉星徒含翻璠字袁翻
二月甲戌國璠等攻陷

弋陽 燕軍行三千餘里士馬疲凍死者屬路屬之攻欲翻

高句麗木底城不克而還木底城在南蘇之東唐置木底州句如字又音駒麗力知

翻夕陽公雲傷於矢且畏燕王熙之虐遂以疾去官為後

燕人祗熙立雲張本三月庚子魏主珪還平城夏四月庚申復

如豺山宮復扶又翻甲午還平城 柔然社崙侵魏邊崙盧昆翻

五月燕主寶之子博陵公虔上黨公昭皆以嫌疑賜

死 六月秦隴西公碩德自上邽入朝秦王興為之大

赦

為于偽翻

及歸送之至雍乃還

雍于用翻

興事晉公緒及碩德

皆如家人禮車馬服玩先奉二叔而自服其次國家大

政皆咨而後行

禿髮傉檀伐沮渠蒙遜

傉奴沃翻沮子余翻

蒙

遜嬰城固守傉檀至赤泉而還

赤泉在張掖氏池縣北

獻馬三千

匹羊三萬口于秦秦王興以為忠以傉檀為都督河右

諸軍事車騎大將軍涼州刺史鎮姑臧徵王尚還長安

涼州人申屠英等遣主簿胡威詣長安請留尚興弗許

威見興流涕言曰臣州奉戴王化於茲五年

隆安五年九月呂隆

降秦至是猶未五蕃

土宇僻遠威靈不接士民嘗膽拔血共守孤

城技武粉翻又文運翻拔也仰恃陛下聖德俯仗良牧仁政克自保

全以至今日陛下奈何乃以臣等貿馬三千匹羊三萬

口貿音茂易也市賣也

賤人貴畜

畜許又翻

毋乃不可若軍國須馬直

煩尚書一符臣州三千餘戶各輸一馬朝下夕辦何難

之有昔漢武傾天下之資力開拓河西以斷匈奴右臂

今陛下無故弃五郡之地忠良華族以資暴虜

斷丁管
鉅此五

郡謂漢所開武威張掖敦煌酒泉金城

豈惟臣州士民墜于塗炭恐方為

聖朝旰食之憂

旰古案翻

興悔之使西平人車普馳止王尚

又遣使諭僭檀會僭檀已帥步騎三萬軍于五澗

五澗在姑

威南車尺遮翻使疏吏翻帥讀曰率

普先以狀告之僭檀遽遣王尚尚

出自清陽門僭檀入自涼風門

清陽當作青陽涼風門姑臧城南門

別駕

宗敞送尚還長安

宗姓也漢有南陽宗資

僭檀謂敞曰吾得涼州

三千餘家情之所寄唯卿一人奈何捨我去乎敞曰今

送舊君所以忠於殿下也。僊橿曰：吾新牧貴州，懷遠安
邇之略如何？敞曰：涼土雖弊，形勝之地，殿下惠撫其民，
收其賢俊，以建功名，其何求不獲？因薦本州文武名士
十餘人。僊橿嘉納之。王尚至長安，興以為尚書僊橿燕
羣臣於宣德堂，仰視歎曰：古人有言，作者不居，居者不
作，信矣！武威孟禕曰：昔張文王始為此堂，於今百年，十
有二主矣。張駿卒，私諡曰文王。張氏自駿至重華，繼靈祚，玄龍，天錫，凡六主。梁熙，呂光，呂紹，呂纂，呂隆，王尚，又六主。通惟履信思順者，可以久處。處昌僊橿
十二主禕許章翻

善之

魏主珪規度平城

度徒洛翻

欲擬鄴洛長安修廣宮

室以濟陽太守莫題有巧思

忠帝分陳留為濟陽國後因以為郡濟子禮翻思相

吏名見與之商功題久倚稍怠珪怒賜死題含之孫也

此莫題非高邑公莫題莫含見八十九卷

於是發八部五百里內男

丁築澠南宮

魏先有八部大人既得中原建平城為代都分市八部於畿內澠力水翻

闕門

高十餘丈

高居傲翻

穿溝池廣苑囿規立外城方二十里分

置市里三十日罷

秋七月魏太尉宜都丁公穆崇薨

周公謚法述義不克曰丁

八月禿髮傉檀以興城戾文支鎮姑臧

自還樂都

樂音洛

雖受秦爵命然其車服禮儀皆如王者

甲辰魏主珪如豺山宮遂之石漠

自陰山以北皆大漠有白漠黑漠石

漠白黑二漠以其色為名石漠蓋其地皆石漠北史石漠在漢定襄郡武要縣西北塞外

九月度漠

北癸巳南還長川

水經注長川在柔玄鎮西

劉裕聞譙縱反遣龍

驤將軍毛修之將兵與司馬榮期文處茂時延祖共討

之

處昌呂翻

修之至宕渠

宕渠縣漢屬巴郡劉蜀分屬巴西郡惠帝復分巴西置宕渠郡按五

代志渠州南充縣舊置宕渠郡合州石鏡縣亦置宕渠郡皆當自白帝上成都之路宕徒浪翻

榮期為

其參軍楊承祖所殺承祖自稱巴州刺史修之退還白

帝禿髮儁檀求好於西涼

好呼到翻

西涼公嵩許之沮渠

蒙遜襲酒泉至安珍

安珍即漢酒泉郡安彌縣也後人從省書之以彌為彌傳寫之訛又

以彌為珍

嵩戰敗城守蒙遜引還

南燕公孫五樓欲擅朝

權

朝直遙翻

譖北地王鍾於南燕主超請誅之南燕主備德

之卒也

卒子恤翻

慕容法不奔喪超遣使讓之

使疏吏翻

法懼遂

與鍾及段宏謀反超聞之徵鍾鍾稱疾不至超收其黨

侍中慕容統等殺之征南司馬卜珍告左僕射封嵩數

與法往來疑有奸超收嵩下廷尉太后懼泣告超曰嵩

數遣黃門令牟常說吾云帝非太后所生恐依永康故

事

數所角翻說輸芮翻下邳穆翻燕主寶永康元年逼徙其母段氏事見一百八卷孝武帝太元二十一年

我婦人識淺恐帝見殺即以語法法為謀見誤知復何

言

語牛佑翻復扶又翻

超乃車裂嵩西中郎將封融犇魏超遣慕

容鎮攻青州慕容昱攻徐州右僕射濟陽王凝及韓範

攻兗州

南燕青州刺史鎮東萊徐州刺史鎮莒城兗州刺史鎮梁父濟子禮翻

昱拔莒城

段宏犇魏封融與羣盜襲石塞城殺鎮西大將軍餘鬱

國中振恐濟陽王凝謀殺韓範襲廣固範知之勒兵攻

凝凝犇梁父範并將其衆攻梁父克之

父音甫

法出犇魏

凝出犇秦慕容鎮克青州鍾殺其妻子為地道以出與

高都公始皆奔秦秦以鍾為始平太守凝為侍中南燕

主超好變更舊制朝野多不悅又欲復肉刑增置烹轅

之法

好呼到翻更工衛翻轅戶慣翻車裂也

衆議不合而止冬十月封孚

卒

慕容超之立雖非少主乃國疑而大臣未附之時超不能推心扣輯使之沮兵以至于奔亡超雖與立哉

雖劉裕之兵未至固知其必滅矣

尚書論建義功奏封劉裕豫章郡

公劉毅南平郡公何無忌安成郡公自餘封賞有差

梁州刺史劉稚反劉毅遣將討禽之

將即亮翻

庚申魏主

珪還平城

乙亥以左將軍孔安國為尚書左僕射

十一月禿髮儁遣于姑臧

乞伏乾歸入朝于秦

直朝

十二月以何無忌為都督荆江豫三州八郡軍事

江州刺史

八郡蓋荆州之武昌江州之尋陽豫章廬陵臨川鄱陽南康豫州之晉熙

是歲

桓石綏與司馬國璠陳襲聚眾胡桃山為寇

胡桃山當在歷陽郡

界璠字

劉毅遣司馬劉懷肅討破之石綏石生弟也

三年春正月辛丑朔燕大赦改元建始

秦王興以乞

伏乾歸寢彊難制留為主客尚書

漢成帝置四曹尚書其四曰主客主外國

夷狄以其世子熾磐行西夷校尉監其部衆

是後秦政漸衰熾磐

日以熾而乾歸亦不可得而留矣熾昌志翻校戶教翻監工衡翻

二月己酉劉裕詣

建康固辭新所除官欲詣廷尉詔從其所守裕乃還丹

徒魏主珪立其子修為河間王處文為長樂王

處昌呂翻

樂音洛連為廣平王黎為京兆王殷仲文素有才望自謂

宜當朝政悒悒不得志

悒悒憂悒不自安之意仲文黨於桓玄以才望希進而不得進

故不自安也朝直遙翻

出為東陽太守尤不樂

樂音洛

何無忌素慕

其名東陽無忌所統

無忌都督浙江東五郡東陽其一也

仲文許便道修

謁無忌喜欽遲之

遲直吏翻待也後企遲同

而仲文失志恍惚遂不

過府

府謂督府何無忌治所也恍呼廣翻惚音忽

無忌以為薄已大怒會南

燕入寇無忌言於劉裕曰桓胤殷仲文乃腹心之疾北

虜不足憂也閏月劉裕府將駱冰謀作亂

將即亮翻

事覺裕

斬之因言冰與仲文桓石松曹靖之卞承之劉延祖潛

相連結謀立桓胤為主皆族誅之燕王熙為其后苻

氏起承華殿

為于偽翻

負土於北門土與穀同價宿軍典軍

杜靜載棺詣闕極諫熙斬之

北燕營州刺史鎮南車

苻氏嘗季夏

思凍魚

煎魚為凍今人多能之季夏六月暑盛則不能凍

仲冬須生地黃

本草曰地

黃葉如甘露子花如脂麻花但有細斑點北人謂之牛妳子二月八月采根陰乾解諸熱破血通利月水

下有司切責不得而斬之

下遜

夏四月癸丑苻氏卒熙

哭之慙絕久而復蘇

慙音悶

喪之如父母服斬衰食粥

喪息

郎翻衰倉回翻

命百官於宮內設位而哭使人案檢哭者無淚

則罪之羣臣皆含辛以為淚高陽王妃張氏熙之嫂也

高陽王隆之妃

美而有巧思

思相

熙欲以為殉乃毀其襚韓中

得弊甄

甄音遂送終曰
從釋許加翻

遂賜死右僕射韋珍等皆恐為

殉沐浴俟命公卿以下至兵民戶率營陵費殯府藏

梁珍

尤翻藏
徂浪翻

陵周圍數里熙謂監作者曰善為之朕將繼往

觀照此言死期
將至監工衍翻

丁酉燕太后段氏去尊號出居外宮

去
毛

呂翻段氏熙之慈母
也見上卷元興元年

氏王楊盛以平北將軍符宣為

梁州督護將兵入漢中

將即
亮翻

秦梁州別駕呂瑩等起兵

應之

呂瑩蓋為秦之梁州別駕以後而秦王興
遣南梁州刺史王敏救燕縱觀之可見

刺史王

敏攻之瑩等求援於盛盛遣軍臨湍口敏退屯武興

水
經

沔水東逕白馬戍南沔水入焉注云沔水北發武都氏
中南逕欽堂城東又南過陽平關西而南入于沔謂之
沔口有沔口城郿國縣道記梁州西縣本名白馬城又
曰沔口城劉蜀置武興督於漢中沔陽縣隋唐為興州
今沔州城古武興城也沔徐刀翻 盛復通於晉 孝武太元十九年楊盛
通者以桓玄之亂也復扶又翻 晉以盛為都督隴右諸軍事征西大

將軍開府儀同三司盛因以宣行梁州刺史 通鑑以晉
紀年則以

盛為都督之上不必 五月壬戌燕尚書郎苻進謀反
書晉晉字當作詔字

誅進定之子也 孝武太元十一年苻 魏主珪北巡至
定降燕見一百六卷

濡源 濡音乃 魏常山王遵以罪賜死 初魏主珪滅

官翻

劉衛辰其子勃勃奔秦

見一百卷孝武
太元十六年

秦高平公沒奕

干以女妻之

妻音七
細翻

勃勃陞岸美容儀性辯慧秦王興

見而奇之與論軍國大事寵遇踰于勲舊興弟邕諫曰

勃勃不可近也

近音其
斯翻

興曰勃勃有濟世之才吾方與

之平天下奈何逆忌之乃以為安遠將軍使助沒奕干

鎮高平以三城朔方雜夷

魏收地形志偏城郡廣武縣
有三城唐延州豐林縣古廣

武縣也及衛辰部衆三萬配之使伺魏間隙

間音古
范翻

邕固

爭以為不可興曰卿何以知其為人邕曰勃勃奉上慢

御衆殘貪猾不仁輕為去就寵之踰分

分音扶
問翻

恐終為

邊患興乃止久之竟以勃勃為安北將軍五原公配以

三交五部鮮卑及雜虜二萬餘落鎮朔方

為勃勃病秦
興悔不用邕

言張魏主珪歸所虜秦將唐小方于秦

將音即
亮翻

秦王興

請歸賀狄于仍送良馬千匹以贖狄伯支珪許之

秦留
賀狄

千見一百十二卷元興元年狄
伯支唐小方被禽亦見是年

勃勃聞秦復與魏通而

怒復音扶
又翻

乃謀叛秦

楚白公勝所以作亂
於楚者其事正如此

柔然可汗社

崙獻馬八千匹于秦至大城

大城縣前漢屬西河郡後
漢屬朔方郡魏晉省崙盧

見勃勃掠取之悉集其衆三萬餘人偽畋於高平川因

襲殺沒奕干而并其衆勃勃自謂夏后氏之苗裔

史記及漢

書皆云匈奴夏后氏苗裔淳維之後勃勃匈奴餘種故云然夏戶雅翻下同

六月自稱大夏

天王太單于

晉書曰勃勃字屈子匈奴右賢王去卑之後劉元海之族劉武之曾孫劉衛辰之子

劉武即劉虎晉書避唐國諱改虎為武單音蟬

大赦改元龍升置百官以其兄

右地代為丞相封代公力侯提為大將軍封魏公叱干

阿利為御史大夫封梁公弟阿利羅引為司隸校尉若

門為尚書令叱以鞬為左僕射

鞬居言翻

乙斗為右僕射賀

狄干久在長安常幽閉因習讀經史舉止如儒者及還
魏主珪見其言語衣服皆類秦人以為慕而效之怒并
其弟歸殺之 秦王興以太子泓錄尚書事 秋七月

戊戌朔日有食之 汝南王遵之坐事死遵之亮之五

世孫也

汝南王亮死於
楚王瑋之難

癸亥燕王熙薨其后苻氏于

徵平陵喪車高大毀北門而出熙被髮徒跣步從二十

餘里

被皮義翻
從才用翻

甲子大赦初中衛將軍馮跋及弟侍御

郎素弗皆得罪於熙熙欲殺之跋亡命山澤熙賦役繁

數民不堪命

數所角翻

跋素弗與其從弟萬泥謀曰吾輩還

首無路

還首自歸請罪也首式救翻

不若因民之怨共舉大事可以

建公侯之業事之不捷死未晚也遂相與乘車使婦人

御潛入龍城匿於北部司馬孫護之家及熙出送墓跋

等與左衛將軍張興及苻進餘黨作亂跋素與慕容雲

善乃推雲為主雲以疾辭

雲稱疾見上年

跋曰河間淫虐人神

共怒此天亡之時也公高氏名家何能為人養子

為養子事

見百九卷
隆安元年

而棄難得之運乎扶之而出跋弟乳陳等帥

衆攻弘光門

帥讀曰卑

鼓噪而進禁衛皆散走遂入宮授甲

閉門拒守中黃門趙洛生走告于熙熙曰鼠盜何能為

朕當還誅之乃置后樞於南苑

樞巨救翻

收髮貫甲馳還赴

難

難乃旦翻

夜至龍城攻北門不克宿於門外乙丑雲即天

王位

雲字子而祖父高和句麗之支庶慕容寶養以為子

大赦改元正始熙退入

龍騰苑尚方兵褚頭踰城從熙稱營兵同心效順唯俟

軍至熙聞之驚走而出左右莫敢迫熙從溝下潛適良

父左右怪其不還相與尋之唯得衣冠不知所適中領

軍慕容拔謂中常侍郭仲曰大事垂捷而帝無故自驚

深可怪也然城內企遲

遲直利翻侍也

至必成功不可稽留吾

當先往趣城

趣七喻翻

卿留待帝得帝速來若帝未還吾得

如意安撫城中徐迎未晚乃分將壯士二千餘人登北

城將士謂熙至皆投仗請降

將即亮翻降戶江翻

既而熙久不至

拔兵無後繼衆心疑懼復下城赴苑

復扶又翻下復或可復同

遂皆

潰去拔為城中人所殺丙寅熙微服匿於林中為人所

執送於雲雲數而殺之

年二十三史言慕容熙淫虐天奪其魄身死國滅載記曰自垂

至熙四世凡二十四年而滅數所具翻

并其諸子雲復姓高氏幽州刺史

上庸公懿以令支降魏

今音鈴又郎定翻支音祁

魏以懿為平州牧

昌黎王懿評之孫也

前燕之亡慕容評之罪也

魏主珪自濡源西

如參合陂

濡乃官翻

乃還平城

禿髮儁稱復貳於秦

儁奴沃翻

復扶又翻下同

遣使邀乞伏熾磐熾磐斬其使送長安

為秦襲得檀張

本使疏史翻下同熾昌志翻

南燕主超母妻猶在秦超遣御史中

丞封愷使於秦以請之秦王興曰昔苻氏之敗太樂諸

使悉入於燕

長安之陷太樂諸伎入于西燕西燕之亡慕容垂收以歸于中山中山之陷相率奔

郭由是南燕得
之使渠綽翻

燕今稱藩送使或送吳口千人所請乃

可得也超與羣臣議之左僕射段暉曰陛下嗣守社稷

不宜以私親之故遂降尊號且太樂先代遺音不可與

也不如掠吳口與之尚書張華曰侵掠鄰國兵連禍結

此既能往彼亦能來非國家之福也陛下慈親在人掌

握豈可靳惜虛名不為之降屈乎

新居焮翻
為子偽翻

中書令韓

範嘗與秦王俱為苻氏太子舍人若使之往必得如志

超從之乃使韓範聘于秦稱藩奉表慕容凝言於興曰

燕王得其母妻不可復臣宜先使送伎興乃謂範曰朕

歸燕王家屬必矣然今天時尚熱當俟秋涼八月秦使

員外散騎常侍韋宗聘於燕超與羣臣議見宗之禮張

華曰陛下前既奉表今宜北面受詔封還曰大燕七聖

重光

自龐統傷時至垂德
超凡七主重直龍翻

奈何一旦為豎子屈節超曰

吾為太后屈願諸君勿復言

為于偽翻
復扶又翻

遂北面受詔

毛修之與漢嘉太守馮遷合兵擊楊承祖斬之修之欲

進討譙縱益州刺史鮑陋不可修之上表言人之所以

重生實有生理可保臣之情地生塗已竭

謂其父瑾伯璩舉家為蜀

人所滅修之欲致死復警不復求生路也

所以借命朝露者

朝露易晞言不久生也

庶

憑天威誅夷警逆今屢有可乘之機而陋每違期不赴

臣雖効死寇庭而救援理絕將何以濟劉裕乃表襄城

太守劉敬宣帥衆五千伐蜀

晉氏南渡置襄城郡於江南仍領繁昌等縣孝武罷

襄城郡為繁昌縣屬淮南僑郡今太平州繁昌縣即其地繁昌本漢潁川郡屬縣因僑立而是縣之名遂移於江南此襄城蓋敬宣以舊郡僑領太守也 劉道規為征蜀都督魏

主珪如豺山宮候官告司空庾岳服飾鮮麗行止風采

擬則人君

候官見上卷
元興三年

珪收岳殺之

北燕王雲以馮

跋為都督中外諸軍事開府儀同三司錄尚書事馮萬
泥為尚書令馮素弗為昌黎尹馮弘為征東大將軍孫
護為尚書左僕射張興為輔國大將軍弘跋之弟也

九月譙縱稱藩於秦禿髮儁稱將五萬餘人伐沮渠蒙

遜

儁奴沃翻將即
亮翻沮子余翻

蒙遜與戰於均石大破之

均石在張
掖之東西

陝之西蓋
西郡界

蒙遜進攻西郡太守楊統於日勒降之

日勒
縣漢

屬張掖郡後分置西郡治日勒賢曰
日勒故城在今甘州刪丹縣東南

冬十月秦河州

刺史彭奚念叛降於虓髮儋檀秦以乞伏熾磐行河州

刺史

熾昌志翻

南燕主超使左僕射張華給事中宗正元

獻太樂伎一百二十人於秦秦王興乃還超母妻原其

資禮而遣之超親帥六宮迎於馬耳關

伎渠綺翻帥讀曰車據水經濟

南臺縣有馬耳山開虛水出焉魏收地形志泰山郡臺縣有馬耳山

夏王勃勃破鮮卑

薛千等三部

薛千晉書載記作薛千蜀本作薛千

降其衆以萬數

降戶進江翻

攻秦三城已止諸戍斬秦將楊丕姚石生等諸將皆曰

陛下欲經營關中宜先固根本使人心有所憑係高平

山川險固土田饒沃可以定都勃勃曰卿知其一未知
其二吾大業草創士衆未多姚興亦一時之雄諸將用
命關中未可圖也我今專固一城彼必并力於我衆非
其敵亡可立待不如以驍騎風馳

將即亮翻驍堅
亮翻騎奇寄翻

出其

不意救前則擊後救後則擊前使彼疲於奔命我則游
食自若不及十年嶺北河東盡為我有待興既死嗣子
閭弱徐取長安在吾計中矣於是侵掠嶺北嶺北諸城
門不晝啓興乃歎曰吾不用黃兒之言以至於此

黃兒
興弟

字也邑小勃勃求婚於禿髮儁儁不許十一月勃勃帥

騎二萬擊儁儁至於支陽

支陽縣漢屬金城郡晉張寔分屬廣武郡劉昫曰唐蘭州

廣武縣漢支陽縣杜佑曰唐會州會寧縣漢支陽縣

殺傷萬餘人驅掠二萬七千

餘口牛馬羊數十萬而還

還從宜翻又如字

儁儁帥衆追之

帥讀

日焦朗曰勃勃天姿雄健御軍嚴整未可輕也不如從

溫圍北渡趣萬斛堆

溫圍水名水經河水北過武威溫圍縣東北溫圍其即漢之溫圍縣

歟趣七俞翻

阻水結營扼其咽喉

咽音烟

百戰百勝之術也儁

檀將賀連怒曰勃勃敗亡之餘烏合之衆奈何避之示

之以弱宜急追之儋從之勃勃於陽武下峽鑿凌埋

車以塞路

凌力證翻冰也又問承翻鑿冰塞路置兵死地使人自為戰塞急則翻

勒兵逆

擊儋檀大破之追奔八十餘里殺傷萬計名臣勇將死

者什六七

將即亮翻

儋檀與數騎奔南山

漢書地理志武威郡蒼松縣有南山

松陝予謂此南山自羌中連延西平金城之界東出秦雍至於終南皆此山也儋檀所奔支陽之南山也幾

為追騎所得

幾居希翻騎奇寄翻

勃勃積尸而封之號曰髑髏臺

髑徒谷翻髑音婁

勃勃又敗秦將張佛生於青石原

敗補邁翻後漢書西

羌傳安定有青石岸安定唐之涇州涇州有青石嶺俘斬五千餘人儋檀懼外寇

之逼徙三百里內民皆入姑臧國人駭怨屠各成七兒

因之作亂

屠直於翻

一夕聚衆至數千人殿中都尉張猛大

言於衆曰主上陽武之敗盖恃衆故也責躬悔過何損

於明而諸君遽從此小人為不義之事殿中兵今至禍

在目前矣衆聞之皆散七兒犇晏然追斬之軍諮祭酒

梁裒輔國司馬邊憲等謀反僞檀皆殺之

自是之後禿髮氏之數日

以表

魏主珪還平城

十二月戊子武岡文恭侯王

謚薨

謚法既過能改曰恭

是歲西涼公嵩以前表未報

前奉表見上元

年為古
老翻

復遣沙門法泉間行奉表詣建康

復扶又翻
間古覓翻

四年春正月甲辰以琅邪王德文領司徒劉毅等不欲

劉裕入輔政議以中領軍謝混為揚州刺史

王謐亮揚
州刺史缺

官故議
用其人

或欲令裕於丹徒領揚州以內事付孟昶

昶且
兩翻

遣尚書右丞皮沈以二議諮裕

皮姓也沈
持林翻

沈先見裕記

室錄事參軍劉穆之具道朝議

朝直
遙翻

穆之偽起如廁密

疏白裕曰皮沈之言不可從裕既見沈且令出外呼穆

之問之穆之曰晉朝失政日久

朝直遙
翻下同

天命已移公興

復皇祚勲高位重今日形勢豈得居謙遂為守藩之將

耶

將即亮翻

劉孟諸公與公俱起布衣共立大義以取富貴

事有先後故一時相推非為委體心服宿定臣主之分

也

分扶問翻

力敵勢均終相吞噬

後果如穆之之言

揚州根本所係

不可假人前者以授王謚事出權道

見上卷元典三年

今若復

以佗授

復扶又翻下而復同

便應受制於人一失權柄無由可得

將來之危難可熟念今朝議如此宜相酌答必云在我

措辭又難唯應云神州治本宰輔崇要

治直史翻

此事既大

非可懸論便覽入朝共盡同異公至京邑彼必不敢越

公更授餘人明矣裕從之朝廷乃徵裕為侍中車騎將

軍開府儀同三司揚州刺史錄尚書事徐兗二州刺史

如故

騎寄

裕表解兗州以諸葛長民為青州刺史鎮丹

徒劉道憐為并州刺史戍石頭 庚申武陵忠敬王遵

薨 魏主珪如豺山宮遂至寧川

寧川即後漢上谷郡之寧縣也前漢曰寧

縣地理志曰于延水出代郡且如縣塞外東至寧入沽水經注曰于延水逕置城南又東左與寧川水合水出

小寧縣西北東南流注于延水又東逕小寧縣故城南地理志寧縣也師古曰且子如翻

南燕主

超尊其母段氏為皇太后妻呼延氏為皇后超祀南郊

有獸如鼠而赤大如馬來至壇側須臾大風晝晦羽儀

帷幄皆毀裂

賈公彥曰在旁曰帷四合象宮室曰帷

超懼以問太史令成

公綏對曰陛下信用奸佞誅戮賢良賦斂繁多事役殷

重之所致也

欽力贈翻

超乃大赦黜公孫五樓等俄而復用

之

復扶又翻

北燕主雲立妻李氏為皇后子彭城為太子

三月庚申葬燕王熙及苻后於徽平陵謚熙曰昭文

皇帝高句麗遣使聘北燕且叙宗族

雲本高句麗支屬詳見一百九

卷隆安元年
使疏吏翻

北燕王雲遣侍御史李拔報之 夏四月

尚書左僕射孔安國卒甲午以吏部尚書孟昶代之

昶

兩北燕大赦 五月北燕以尚書令馮萬泥為幽冀

二州牧鎮肥如中軍將軍馮乳陳為并州牧鎮白狼

前漢

古北平郡有白狼縣師古曰有白狼山故以名縣後漢

晉省縣魏收地形志曰世祖太平真君八年置建德郡

治白狼城其地屬唐營州柳城縣界

撫軍大將軍馮素弗為司隸校尉司

隸校尉務銀提為尚書令 燕縱遣使稱藩於秦

使疏吏翻

又與盧循潛通縱上表請桓譙於秦欲與之共擊劉裕

秦王興以問謙謙曰臣之累世著恩荆楚若得因巴蜀之資順流東下士民必翕然響應興曰小水不容巨魚若縱之才力自足辦事亦不假君以為鱗翼宜自求多福遂遣之謙至成都虛懷引士縱疑之置於龍格使人守之

龍格蓋即今成都府廣都縣龍爪灘之地

謙泣謂諸弟曰姚主之言神

矣秦王興以禿髮僭擅外內多難

時僭擅軍諮祭酒梁袞輔國司馬達

憲等謀反僭擅悉誅之晉書載記曰僭擅欲因而取之外有陽武之敗內有邊梁之亂難乃旦翻

使尚書郎韋宗往覘之

覘丑簾翻又丑鮑翻

僭擅與宗論當世大

略縱橫無窮

縱子容翻

宗退歎曰奇才英器不必華夏

夏戶雅翻

明智敏識不必讀書吾乃今知九州之外五經之表復

自有人也

僂檀之才辨內足以欺其父兄外足以欺敵人之覘國者而卒以敗亡者輕用兵也揆之

於古蓋智伯瑤之流而才識又不及焉復扶又翻

歸言於興曰涼州雖弊僂檀

權譎過人未可圖也

譎古穴翻

興曰劉勃勃以烏合之衆猶

能破之況我舉天下之兵以加之乎宗曰不然形移勢

變反覆萬端

蜀本作返復當從之

陵人者易敗

易以鼓翻

戒懼者難攻

僂檀之所以敗於勃勃者輕之也今我以大軍臨之彼

必懼而求全臣竊觀羣臣才略無儔檀之比者雖以天威臨之亦未敢保其必勝也興不聽使其子中軍將軍廣平公弼後軍將軍欽成鎮遠將軍乞伏乾歸帥步騎三萬襲儔檀左僕射齊難帥騎二萬討勃勃帥讀曰吏率下同

部尚書尹昭諫曰儔檀恃其險遠故敢違慢不若詔沮

渠蒙遜及李暉討之使自相困斃不必煩中國之兵也

亦不聽興遣儔檀書曰

遺于季翻

今遣齊難討勃勃恐其西

逸故令弼等於河西邀之儔檀以為然遂不設備弼濟

自金城

自金城濟河也

姜紀言於弼曰今王師聲言討勃勃

檀猶豫守備未嚴願給輕騎五千

騎寄

掩其城門則山

澤之民皆為吾有孤城無援可坐克也弼不從進至漠

口

漢口在昌松郡界謂之昌松漢口魏收地形志昌松郡有漢口縣

昌松太守蘇霸閉

城拒之弼遣人諭之使降霸曰汝棄信誓而伐與國吾

有死而已何降之有

降戶江翻

弼進攻斬之長驅至姑臧僣

檀嬰城固守出奇兵擊弼破之弼退據西苑城中人王

鍾等謀為內應事洩僣欲誅首謀者而赦其餘前軍

將軍伊力延侯曰今彊寇在外而奸人竊發於內危孰

甚焉不悉阮之何以懲後僞檀從之殺五千餘人命郡

縣悉散牛羊于野歛成縱兵鈔掠

鈔楚交翻

僞檀遣鎮北大

將軍俱延鎮軍將軍敬歸等擊之秦兵大敗斬首七千

餘級

僞檀散牛羊以餌敵而歛成掠之宜其敗也

姚弼固壘不出僞檀攻之

未克秋七月興遣衛大將軍常山公顯帥騎二萬為諸

軍後繼至高平關弼敗倍道赴之顯遣善射者孟欽等

五人挑戰於涼風門

挑徒了翻

弦未及發僞檀材官將軍宋

益等迎擊斬之顯乃委罪歛成遣使謝儋慰撫河外

引兵還儋遣使者徐宿詣秦謝罪

使疏史翻

夏王勃勃聞

秦兵且至退保河曲

河曲在朔方東北黃河千里一曲

齊難以勃勃既

遠縱兵野掠勃勃潛師襲之俘斬七千餘人難引兵退

走勃勃追至木城禽之虜其將士萬三千人於是嶺北

夷夏附於勃勃者以萬數

夏戶雅翻

勃勃皆置守宰以撫之

姚弋之敗禿髮未能為秦患也

司馬叔璠自蕃城寇

鄒山

璠字表翻著音皮又音反讀曰翻

魯郡太守徐邕棄城走車騎長

史劉鍾擊却之

北燕主雲封慕容歸為遼東公使主

燕祀

劉敬宣既入峽

所謂三峽也

遣巴東太守溫祚以二

千人出外水自帥益州刺史鮑陋輔國將軍文處茂龍

驤將軍時延祖由墊江轉戰而前

帥讀曰率處昌呂翻驤思將翻此由內水

而進也墊音臺

譙縱求救于秦秦王興遣平西將軍姚賞南梁

州刺史王敏將兵二萬赴之敬宣軍至黃虎去成都五

百里

黃虎近涪城

縱輔國將軍譙道福悉衆拒嶮相持六十

餘日敬宣不得進食盡軍中疾疫死者大半乃引軍還

還從宣翻
又如字

敬宣坐免官削封三分之一荊州刺史劉道

規以督統降號建威將軍

春秋責帥之義也道規時為征蜀都督

九月劉

裕以敬宣失利請遜位詔降為中軍將軍開府如故劉

毅欲以重法繩敬宣裕保護之何無忌謂毅曰奈何以

私憾傷至公

私憾見上元年

毅乃止

乞伏熾磐以秦政浸衰

且畏秦之攻襲

熾昌志翻

冬十月招結諸部二萬餘人築城

于嶠崐山而據之

丁度曰嶠崐山在西羌予按乞伏氏據范川其地西至枹罕東極隴坻北

限赫連南界吐谷渾嶠崐山當在范川西南宋朝西境立秦渭嶠崐山始在西羌中嶠丘岡翻嶠虛當翻

十一月禿髮傉檀復稱涼王太赦改元嘉平置百官立

夫人折掘氏為王后世子武臺為太子錄尚書事

武臺本名

虎臺唐人作晉書避唐祖諱改虎為武通鑑因之

左長史趙暹右長史郭倖為

尚書左右僕射

暹古朝字音直遙翻

昌松侯俱延為太尉

南燕

汝水竭

汝當作女

河凍皆合而澠水不冰

水經注澠水出營城東西北流入時

水營城即臨澠城時水通有澠水之名亦謂之時澠水時水東北入澠水澠水又東北合濁水濁水東北流逕

廣固城西濁水亦或通名之為澠水昔趙攻廣固望氣者以為澠水帶城非可攻拔若塞五龍口城必當陷指

是水也澠神陵翻

南燕主超惡之問於李宣對曰澠水無冰良

由逼帶京城近日月也

惡鳥路翻近其新翻

超大悅賜朝服一具

朝直送翻

十二月乞伏熾磐攻彭奚念於枹罕為奚念所

敗而還

枹音膚敗補邁翻還從宣翻又如字

是歲魏主珪殺高邑公莫

題初拓跋窟咄之伐珪也

見一百六卷孝武大元十一年

題以珪年少

少詩照翻

潛以箭遺窟咄曰三歲犢豈能勝重載邪

道于季翻勝音

升載才再翻

珪心銜之至是或告題居處倨傲擬則人主者

珪使人以箭示題而謂之曰三歲犢果如何題父子對

泣詰朝收斬之

處昌呂翻詰去吉翻

資治通鑑卷一百一十四

資治通鑑卷一百一十五 宋 司馬光 撰

胡三省 音註

晉紀三十七

起屠維作噩孟上
章閏戊凡二年

安皇帝庚

義熙五年春正月庚寅朔南燕主超朝會羣臣歎太樂

不備

三年超獻太樂伎于秦
故歎其不備朝直還翻議掠晉人以補伎

伎渠綺翻領

軍將軍韓諱曰

丁度曰諱
竹角翻

先帝以舊京傾覆戢翼三齊

中山陷慕容德奔鄴保滑臺既而復失滑臺

陛下不養

乃東取齊地而據之事並見前載疾立翻

士息民以伺魏釁恢復先業而更侵掠南鄰以廣讐敵

可乎超曰我計已定不與卿言

史言慕容超懷諫致寇而亡伺相史翻

辛卯大赦庚戌以劉毅為衛將軍開府儀同三司毅

愛才好士

好呼到翻

當世名流莫不輻輳獨揚州主簿吳郡

張邵不往或問之邵曰主公命世人傑何煩多問

劉裕領揚

州故稱之為主公

秦王興遣其弟平北將軍沖征虜將軍狄

伯支等帥騎四萬

帥讀曰率騎奇寄翻

擊夏王勃勃沖至嶺北謀

還襲長安伯支不從而止因醢殺伯支以滅口 秦王
興遣使冊拜譙縱為大都督相國蜀王加九錫承制封
拜悉如王者之儀 二月南燕將慕容興宗斛穀提公孫

歸等帥騎寇宿豫拔之

宿豫城在淮北帝置宿豫郡及宿豫縣唐代宗諱豫改為宿遷

縣屬徐州宋白曰宿豫城在下邳東南百八十里蓋本宋人遷宿處也宋滅為邑漢為仇猶縣屬臨淮郡晉安

帝立宿豫縣唐改宿遷縣將即亮翻

大掠而去簡男女二千五百付太樂

教之歸五樓之兄也是時五樓為侍中尚書領左衛將

軍專總朝政

朝直遙翻

宗親並居顯要王公內外無不憚之

南燕主超論宿豫之功封斛穀提等並為郡縣公桂林

王鎮諫曰此數人者勤民頓兵

頓讀曰鈍

為國結怨

為于偽翻

何

功而封超怒不答尚書都令史王儼諂事五樓

漢尚書有令史

十八人後增為二十一人其後員數愈增置都令史以總之

比歲屢遷官至左丞

比毗

至翻禮記比年入學注每歲也漢書比年頻年也

國人為之語曰欲得戾事五

樓超又遣公孫歸等寇濟南俘男女千餘人而去

此濟南郡

亦是僞置於淮北濟子禮翻

自彭城以南民皆堡聚以自固詔并州

刺史劉道憐鎮淮陰以脩之

乞伏熾磐入見秦太原

公懿於上邽

熾昌志翻

彭奚念乘虛伐之熾磐聞之怒不告

懿而歸擊奚念破之遂圍枹罕乞伏乾歸從秦王興如

平涼熾磐克枹罕

彭奚念據枹罕枹音膚

遣人告乾歸乾歸逃還

范川

乾歸為秦所留見上卷三年

馮翊人劉厥聚眾數千據萬年作

亂

秦王興在平涼故厥乘間作亂

秦太子泓遣鎮軍將軍彭白狼帥東

宮禁兵討之斬厥赦其餘黨諸將請露布表言廣其首

級

帥讀曰率將即亮翻

泓不許曰主上委吾後事不能式遏寇逆

當責躬請罪尚敢矜誕自為功乎

姚泓優游文義自儒者觀之似得子道然

非撥亂才也

秦王興自平涼如朝那聞姚冲之謀

謂欲還襲長安也

賜冲死

三月劉裕抗表伐南燕朝議皆以為不可

直朝

延惟左僕射孟昶車騎司馬謝裕參軍臧熹以為必克

勸裕行裕以昶監中軍留府事

昶中軍將軍留府事也昶丑兩翻監古街翻

謝裕安之兄孫也初苻氏之敗也王猛之孫鎮惡來奔

以為臨澧令

武帝太康四年立臨澧縣屬天門郡隋唐併入澧州澧陽縣澧音禮鎮惡騎

乘非長關弓甚弱

關讀日學

而有謀畧善果斷喜論軍國大

事或薦鎮惡於劉裕裕與語說之

斷丁亂翻善計記翻說讀曰悅

因留

宿明旦謂參佐曰吾聞將門有將

將即亮翻

鎮惡信然即以

為中軍參將

恒山崩

恒戶登翻

夏四月乞伏乾歸如枹

罕留世子熾磐鎮之收其衆得二萬徙都慶堅山

度堅山乞

伏之先司繁所居也

雷震魏天安殿東序魏主珪惡之命左校

以衝車攻東西序皆毀之初珪服寒食散

晉人多服寒食散今千金

方中有數方蘇軾曰世有食鍾乳烏喙而縱酒色以求長年者蓋始於何晏晏少而富貴故服寒食散以濟其

欲凡服之者疽背嘔血相踵也

久之藥發性多躁擾忿怒無常至是寢

劇

躁則到翻

又灾異數見

見賢通翻

占者多言當有急變生肘腋

亦臆音珪憂懣不安

懣音悶 又音滿

或數日不食或達旦不寐追

計平生成敗得失獨語不止疑羣臣左右皆不可信每

百官奏事至前追計其舊惡輒殺之其餘或顏色變動

或鼻息不調

氣一出一入謂之息

或步趨失節或言辭差謬皆以

為懷惡在心發形於外往往手擊殺之

史言魏主珪死期將至

死

者皆陳天安殿前朝廷人不自保百官苟免莫相督攝

盜賊公行里巷之間人為希少

為于偽翻 少詩治翻

珪亦知之曰

朕故縱之使然待過災年更當清治之耳

治直是時羣

之翻

臣畏罪多不敢求親近

近其新翻

唯著作郎崔浩恭勤不懈

或終日不歸浩吏部尚書宏之子也宏未嘗忤旨亦不

諂諛故宏父子獨不被譴

懈居隘翻忤五故翻被皮義翻

夏王勃勃

率騎二萬攻秦

騎奇寄翻

掠取平涼雜畜七千餘戶進屯依

力川

魏收地形志平涼城在漢安定鶉陰界唐為原州之地依力川又當在其東南

己巳劉

裕發建康帥舟師自淮入泗

帥讀日率

五月至下邳留船艦

輜重

繼戶點翻重直用翻

步進至琅邪所過皆築城留兵守之

慮南

燕以奇兵斷其後也

或謂裕曰燕人若塞大峴之險

水經注沫水出琅邪東莞

縣西北山東南流右合峴水水北出大峴山今有大峴
關魏收志齊郡盤陽縣有大峴山五代志臨朐縣有大
峴山杜佑曰大峴在沂州沂
水縣北塞志則翻峴戶典翻

或堅壁清野大軍深入不

唯無功將不能自歸奈何裕曰吾慮之熟矣鮮卑貪婪

婪虛不知遠計進利虜獲退惜禾苗謂我孤軍遠入不

含翻

能持久不過進據臨朐

魏收志曰臨朐即漢之朐縣也屬東海郡晉曰臨朐屬東莞郡

宋白曰因臨朐山而名朐音劬

退守廣固必不能守險清野敢為諸君

保之

偽翻

于南燕主超聞有晉師引羣臣會議征虜將軍

公孫五樓曰吳兵輕果利在速戰不可爭鋒宜據大峴

使不得入曠日延時沮其銳氣

沮在呂翻

然後徐簡精騎二

千循海而南絕其糧道別敕段暉帥兗州之衆緣山東

下

南燕兗州治梁父緣梁父之山而東下也騎奇寄翻帥讀曰率

腹背擊之此上策也

各命守宰依險自固校其資儲之外餘悉焚蕩芟除禾

苗

芟所銜翻下同

使敵無所資彼僞軍無食

僞渠嬌翻

求戰不得旬

月之間可以坐制此中策也縱賊入峴出城逆戰此下

策也超曰今歲星居齊以天道推之不戰自克客主執

殊以人事言之彼遠來疲弊執不能久吾據五州之地

南燕以并州牧鎮陰平並州刺史鎮條干徐州刺史鎮
莒城兗州刺史鎮梁父青州刺史鎮東萊所謂五州也

擁富庶之民鐵騎萬羣麥禾布野奈何芟苗徙民先自

感弱乎不如縱使入峴以精騎蹂之何憂不克

蹂人翻

輔

國將軍廣寧王賀賴盧苦諫不從退謂五樓曰必若此

亡無日矣太尉桂林王鎮曰陛下必以騎兵利平地者

宜出峴逆戰戰而不勝猶可退守不宜縱敵入峴自弃

險固也超不從鎮出謂韓諱曰

丁度曰諱竹角翻

主上既不能

逆戰却敵又不肯徙民清野延敵入腹坐待攻圍酷似

劉璋矣

劉璋事見六十七卷
漢獻帝建安十八年

今年國滅吾必死之卿中

華之士復為文身矣

古者東南之民斷髮文身故鎮云然

超聞之大怒收

鎮下獄

下戶
稼翻

乃攝莒梁父二戍

父音甫

修城隍簡士馬以

待之劉裕過大峴燕兵不出裕舉手指天喜形于色左

右曰公未見敵而先喜何也裕曰兵已過險士有必死

之志

謂已得過大峴之險

餘糧棲畝人無匱乏之憂

謂燕人不憂除禾苗

虜

已入吾掌中矣六月己巳裕至東莞

莞音官

超先遣公孫

五樓賀賴盧及左將軍段暉等將步騎五萬屯臨朐

朐音

勅聞晉兵入峴自將步騎四萬往就之使五樓帥騎進

據巨蔑水

巨蔑水國語謂之具水袁宏謂之巨昧水水經謂之巨洋水水出朱虛縣太山北過其縣

西又北過臨朐縣東上下沿水

悉是劉裕伐廣固營壘所在

前鋒孟龍符與戰破之

五樓退走裕以車四千乘為左右翼

乘繩證翻

方軌徐進與

燕兵戰於臨朐南日向晨

日過中為向晨也

勝負猶未決參軍

胡藩言於裕曰燕悉兵出戰臨朐城中留守必寡願以

奇兵從間道取其城此韓信所以破趙也

問古蒐翻韓信事見九卷

漢高帝三年

裕遣藩及諮議參軍檀韶建威將軍河內向彌

潛師出燕兵之後攻臨朐聲言輕兵自海道至矣向彌

擐甲先登遂克之

向式亮翻
擐音宦

超大驚單騎就段暉於城

南

超自臨朐城中
出城南就暉

裕因縱兵奮擊燕衆大敗斬段暉等

大將十餘人超遁還廣固獲其玉璽輦及豹尾

服虔曰
大駕屬

車八十一乘作三行尚書御史乘之最後一乘懸豹尾
豹尾以前皆為省中晉志法駕屬車三十六乘最後車

懸豹尾璽
斯氏翻

裕乘勝逐北至廣固丙子克其大城超收衆

入保小城裕築長圍守之圍高三丈窰塹三重

高古號
翻重直

龍翻塹
七魁翻

撫納降附采拔賢俊華夷大悅于是因齊地糧

儲悉停江淮漕運超遣尚書郎張綱乞師於秦赦桂林
王鎮以為錄尚書都督中外諸軍事引見謝之且問計
焉鎮曰百姓之心係於一人今陛下親董六師奔敗而

還

還從宜翻
又如字

羣臣離心士民喪氣聞秦人自有內患

謂秦

內有赫連之患
也喪息浪翻

恐不暇分兵救人散卒還者尚有數萬

宜悉出金帛以餌之更決一戰若天命助我必能破敵
如其不然死亦為美比於閉門待盡不猶愈乎司徒樂
浪王惠曰不然

樂浪音
洛琅

晉兵乘勝氣執百倍我以敗軍

之卒當之不亦難乎秦雖與勃勃相持不足為患且與

我分據中原執如脣齒安得不來相救但不遣大臣則

不能得重兵尚書令韓範為燕秦所重

事見上卷二年

宜遣乞

師超從之秋七月加劉裕北青冀二州刺史

晉氏南渡立南青冀

二州於淮南北青冀二州於齊地

南燕尚書畧陽垣尊及弟京兆太守

苗踰城來降裕以為行參軍

垣氏子孫後遂為南國邊將著功名

尊苗皆

超所委任以為腹心者也或謂裕曰張綱有巧思

思相吏翻

若得綱使為攻具廣固必可拔也會綱自長安還太山

太守申宣執之送於裕裕升綢於樓車

杜預曰樓車車上望櫓

使

周城呼曰

呼火故翻

劉勃勃大破秦軍無兵相救城中莫不

失色江南每發兵及遣使者至廣固裕輒潛遣兵夜迎

之明日張旗鳴鼓而至

董卓之入洛計亦出此

北方之民執兵負

糧歸裕者日以千數圍城益急張華封愷皆為裕所獲

超請割大峴以南地為藩臣裕不許秦王興遣使謂裕

曰慕容氏相與鄰好

好呼到翻

今晉攻之急秦已遣鐵騎十

萬屯洛陽晉軍不還當長驅而進裕呼秦使者謂曰語

汝姚興

使疏吏翻下同語
牛倨翻下相語同

我克燕之後息兵三年當取

關洛今能自送便可速來劉穆之聞有秦使馳入見裕

而秦使者已去裕以所言告穆之穆之尤之

尤怪也
過也

曰

常日事無大小必賜預謀此宜善詳

善謂善為之辭
詳謂詳審也

云

何遽爾答之此語不足以威敵適足以怒之若廣固未

下羌寇奄至不審何以待之裕笑曰此是兵機非卿所

解

解戶賈
翻曉也

故不相語耳

語牛
倨翻

夫兵貴神速彼若審能赴

救必畏我知寧容先遣信命逆設此言是自張大之辭

也晉師不出為日久矣羌見伐齊殆將內懼自保不暇

何能救人邪

乞伏乾歸復即秦王位

又復扶

大赦改元

更始

更工衛翻

公卿以下皆復本位

乾歸降公卿將帥為僚佐偏裨見一百十二卷

隆安五年

慕容氏在魏者百餘家謀逃去魏主珪盡殺之

初魏太尉穆崇與衛王儀伏甲謀弑魏主珪不果珪

惜崇儀之功秘而不問及珪有疾殺大臣儀自疑而出

亡追獲之八月賜儀死

封融詣劉裕降

封融奔魏見上卷二年魏

殺慕容氏故融歸裕降戶江翻

九月加劉裕太尉裕固辭

秦王興

自將擊夏王勃勃至貳城

貳城貳縣城也在杏城西北平涼東南

遣安遠

將軍姚詳等分督租運勃勃乘虛奄至興懼欲輕騎就

詳等

騎奇寄翻

右僕射韋華曰若鑒興一動衆心駭懼必不

戰自潰詳營亦未必可至也興與勃勃戰秦兵大敗將

軍姚榆生為勃勃所禽左將軍姚文宗等力戰勃勃乃

退興還長安勃勃復攻秦敕奇堡黃石固

魏收地形志原州長城郡

有黃石縣五代志西魏改黃石為長城隋開皇初廢郡為縣大業初改長城縣為百泉縣復扶又翻

我羅

城皆拔之徙七千餘家於大城以其丞相右地代領幽

州牧以鎮之初興遣衛將軍姚弋仲步騎一萬隨韓範

往就姚紹於洛陽并兵以救南燕

弋仲讀曰率騎奇寄翻

及為勃勃

所敗

敗補遺翻

追強兵還長安韓範歎曰天滅燕矣南燕尚

書張俊自長安還降於劉裕

降戶江翻

因說裕曰

說輪為翻

燕人

所恃者謂韓範必能致秦師也今得範以示之燕必降

矣裕乃表範為散騎常侍

散悉皇翻騎奇寄翻

且以書招之長水

校尉王蒲勸範奔秦範曰劉裕起布衣滅桓玄復晉室

今興師伐燕所向崩潰此殆天授非人力也燕亡則秦

為之次矣吾不可以再辱遂降於裕

漢李陵降匈奴霍光上官桀使其故

人任立政招之使歸陵曰大丈夫不能再辱

裕將範循城城中人情離沮

將如

字引也沮在呂翻

或勸燕主超誅範家超以範弟諱盡忠無貳

并範家赦之冬十月段宏自魏奔于裕

宏奔魏見上卷三年

張綱

為裕造攻具盡諸奇巧超怒縣其母於城上支解之

為于

偽翻縣讀曰懸

西秦王乾歸立夫人邊氏為皇后世子熾磐

為太子仍命熾磐都督中外諸軍錄尚書事

熾昌志翻

以屋

引破光為河州刺史鎮枹罕

枹音膚

以南安焦遺為太子

太師與參軍國大謀乾歸曰焦生非特名儒乃王佐之

才也謂熾磐曰汝事之當如事吾熾磐拜遺於床下遺

子華至孝乾歸欲以女妻之

妻七細翻

辭曰凡娶妻者欲與

之共事二親也今以王姬之貴

周姬姓也故王女謂之王姬後世因而稱之凡

王者之女皆謂之王姬

下嫁蓬茅之士誠非其匹臣懼其闕於中

饋易家人之六二曰在中饋言以陰應陽居中得正盡婦人之義職乎中饋與順而已饋食也

非所

願也乾歸曰卿之所行古人之事孤女不足以強卿乃

以為尚書民部郎

魏尚書郎有民曹晉初分置左民右民江左以後省右民郎有左民郎民

部郎至是始見于
通鑑強其兩翻

止燕王雲自以無功德而居大位

內懷危懼常畜養壯士以為腹心爪牙

畜吁玉翻

寵臣離班

桃仁專典禁衛

離挑皆姓也班仁其名

賞賜以巨萬計衣食起居

皆與之同而班仁志願無厭

厭於鹽翻

猶有怨憾戊辰雲臨

東堂班仁懷劔執帝而入

帝與紙同通俗書也

稱有所啓班抽劔

擊雲雲以几扞之仁從旁擊雲弑之

高雲以勇力發身叨居君位自謂非

壯士以為翼衛不足以防其身宜知小人之難養也是以古之綴衣虎賁左右携僕必用吉士其慮患誠深遠也雲得燕見

上卷三年

馮跋升洪光門以觀變帳下督張泰李桑

言於跋曰此豎執何所至請為公斬之

為于偽翻

乃奮劍而

下桑斬班于西門泰殺仁于庭中眾推跋為主跋以讓

其弟范陽公素弗素弗不可跋乃即天王位於昌黎

載記

馮跋字文起長樂信都人其先單萬之後也萬之子孫有食米馮鄉者因氏焉

大赦詔曰陳氏

代姜不改齊國

周師尚父始封于齊姜姓也戰國時齊太公田和陳敬仲之後也姜氏之後

而取其國仍號曰齊

宜即國號曰燕改元太平謚雲曰惠懿皇帝

跋尊母張氏為太后立妻孫氏為王后子永為太子以范陽公素弗為車騎大將軍錄尚書事孫護為尚書令

張興為左僕射汲郡公弘為右僕射廣川公萬泥為幽

平二州牧上谷公乳陳為并青二州牧素弗少豪俠放

蕩少詩照翻使戶類翻蕩徒浪翻嘗請婚於尚書左丞韓業業拒之及

為宰輔待業尤厚好申拔舊門好呼謙恭儉約以身帥

下帥讀百僚憚之論者美其有宰相之度溫公作通鑑

苟有片善必因舊史而表章之以言為輔之難魏主珪將立齊王嗣為太子

魏故事凡立嗣子輒先殺其母乃賜嗣母劉貴人死珪

召嗣諭之曰漢武帝殺鉤弋夫人以防母后豫政外家

為亂也

事見二十二卷漢武帝後元元年

汝當繼統吾故遠迹古人

本蜀

作故

為國家長久之計耳嗣性孝哀泣不自勝珪怒之

嗣還舍日夜號泣

勝音升號戶高翻

珪知而復召之

復扶又翻

左右

曰上怒甚入將不測不如且避之俟上怒解而入嗣乃

逃匿於外惟帳下代人車路頭

車焜氏拓跋氏之疏屬也至後魏孝文改為車

氏京兆王洛兒二人隨之初珪如賀蘭部見獻明賀太

后之妹美

珪父賓魏昭成帝什翼犍之嫡子也先昭成而薨追諡獻明皇帝賀太后從夫諡

言

於賀太后請納之賀太后曰不可是過美必有不善

左傳

晉叔向欲娶於申公巫臣氏其母止之曰甚美必有甚惡此語類之且已有夫不可奪也

珪密令人殺其夫而納之生清河王紹紹兇狠無賴好

輕遊里巷劫剽行人以為樂

狠戶聖翻好呼到翻樂音洛

珪怒之嘗

倒懸井中垂死乃出之齊王嗣屢誨責之紹由是與嗣

不協戊辰珪譴責賀夫人

譴去戰翻

因將殺之會日暮未決

夫人密使告紹曰汝何以救我左右以珪殘忍人人危

懼紹年十六夜與帳下及宦者宮人數人通謀踰垣入

宮至天安殿左右呼曰賊至

呼火故翻

珪驚起求弓刀不獲

遂弑之

年三十九明元帝永興二年上謚曰宣武皇帝廟號烈祖泰常五年改謚道武

己巳宮

門至日中不開紹稱詔集百官於端門前

宮門正南門曰端門

止

面立斷紹從門扉閤

扉門肩也

謂百官曰我有叔父亦有兄

公卿欲從誰衆愕然失色莫有對者良久南平公長孫

嵩曰從王

長知兩翻

衆乃知宮車晏駕而不測其故莫敢出

聲唯陰平公烈大哭而去烈儀之弟也

魏之克燕儀有功焉是年八月

賜於是朝野恟恟人懷異志

朝直遙翻恟許拱翻

肥如侯賀護舉

烽於安陽城北

安陽城即漢代郡之東安陽縣城也魏收地形志永熙中置高柳郡治安陽

賀蘭部人皆赴之其餘諸部亦各屯聚紹聞人情不安

大出布帛賜王公以下崔宏獨不受

史言崔宏有識

齊王嗣聞

變乃自外還晝伏匿山中夜宿王洛兒家洛兒鄰人李

道潛奉給嗣民間頗知之喜而相告紹聞之收道斬之

紹募人求訪嗣欲殺之獵郎叔孫俊

拓跋氏起于代北俗尚獵故置獵郎

以豪望子弟有材勇者為之亦漢期門郎羽林郎之類也魏書官氏志天賜元年置散騎郎獵郎諸省令史省事典籤等後魏孝文以獻帝叔父之後乙梅氏為叔孫氏與宗室疏屬拓跋磨渾

渾磨

元城侯屈之子也

自云知嗣所在紹使帳下二人與之偕往俊

磨渾得出即執帳下詣嗣斬之俊建之子也王洛兒為

嗣往來平城通問大臣

為于偽翻

夜告安遠將軍安同等眾

聞之翕然響應爭出奉迎嗣至城西衛士執紹送之嗣

殺紹及其母賀氏并誅紹帳下及宦官宮人為內應者

十餘人其先犯乘輿者羣臣嚮食之

乘繩誣翻

壬申嗣即皇

帝位

嗣道武帝之長子也蕭子顯曰嗣字末末

大赦改元永興追尊劉貴

人曰宣穆皇后公卿先罷歸第不預朝政者悉召用之

朝直

詔長孫嵩與北新侯安固山陽侯奚斤

後魏孝文以獻帝弟

三兄之後為達奚氏泰又改為奚氏白馬侯崔宏元城侯拓跋屈等八人

坐止車門右

臣子至官門皆下車而入故謂之止車門

其聽朝政時人謂之

八公屈磨渾之父也嗣以尚書燕鳳逮事什翼健

什翼健為

代王以鳳為左長史健居言翻使與都坐大官封懿等

魏謂尚書都省為尚書都坐都

坐大官蓋尚書長官也坐徂卧翻

入侍講論出議政事以王洛兒車路

頭為散騎常侍叔孫俊為衛將軍

散悉宜翻騎奇寄翻

拓跋磨渾

為尚書皆賜爵郡縣公嗣問舊臣為先帝所親信者為

誰王洛兒言李先

先慕容永之謀主也永滅徙中山魏伐燕先歸魏道武親信之

嗣台

問先卿以何才何功為先帝所知對曰臣不才無功但

以忠直為先帝所知耳詔以先為安東將軍常宿於內

以備顧問朱提王悅虔之子也

拓跋虔見一百八卷孝武太元二十一年朱提

音銖有罪自疑懼閏十一月丁亥悅懷匕首入侍將作

亂叔孫俊覺其舉止有異引手掣之索懷中得匕首

掣

列翻索

遂殺之

十二月乙巳太白犯虛危

虛二星危三星晉天

文志自須女八度至危十五度為玄枵齊之分野屬青州

南燕靈臺令張光勸南燕

主超出降

降戶江翻下同

超手殺之

柔然侵魏

六年春正月甲寅朔南燕主超登天門

天門廣國內城南門也

朝

羣臣於城上

朝直遙翻

乙卯超與寵姬魏夫人登城見晉兵

之盛握手對泣韓諱諫曰

諱竹角翻

陛下遭堙厄之運正當

努力自強以壯士民之志而更為兒女子泣邪

為于偽翻下為

同超拭目謝之尚書令董詵勸超降超怒囚之

詵疎孫翻

魏長孫嵩將兵伐柔然

魏主嗣以郡縣豪右多為民

患悉以優詔徵之民戀土不樂內徙

樂音洛

長吏逼遣之

於是無賴少年逃亡相聚

長知兩翻少詩照翻

所在寇盜羣起嗣

引八公議之曰朕欲為民除蠹而守宰不能綏撫使之
紛亂今犯者既衆不可盡誅吾欲大赦以安之何如元
城侯屈曰民逃亡為盜不罪而赦之是為上者反求於
下也不如誅其首惡赦其餘黨崔宏曰聖王之御民務
在安之而已不與之較勝負也夫赦雖非正可以行權
屈欲先誅後赦要為兩不能去

兩不能去先言不能去
誅後又不能去赦也去

羌呂

曷若一赦而遂定乎赦而不從誅未晚也嗣從之

二月癸未朔遣將軍于栗磾將騎一萬討不從命者所

何皆平

史言魏有謀臣所以靖亂碑丁
奚翻將即亮翻騎奇寄翻下同

南燕賀賴盧

公孫五樓為地道出擊晉兵不能却城久閉城中男女

病脚弱者大半出降者相繼

降戶江翻

超輦而登城尚書悅

壽說超曰

說輸
尚翻

今天助寇為虐戰士凋瘵

瘵秦
醉翻

獨守窮

城絕望外援天時人事亦可知矣苟歷數有終堯舜避

位陛下豈可不思變通之計乎超歎曰廢興命也吾寧

奮劍而死不能啣壁而生丁亥劉裕悉眾攻城或曰今

日往亡不利行師

歷書二月以驚蟄後
十四日為往亡日

裕曰我往彼亡

何為不利四面急攻之悅壽開門納晉師超與左右數

十騎踰城突圍出走追獲之裕數以不降之罪

數所具
翻降戶

江超神色自若一無所言惟以母託劉敬宣而已

敬宣
先嘗

奔燕故超以母託之夫孝莫大於寧親超以母之故屈
節事秦竭聲伎以奉之既又掠取晉人以足聲伎由是
致寇至於母子並為俘虜乃更欲以託劉敬宣何庸淺也裕忿廣固久不下欲盡阬

之以妻女賞將士韓範諫曰晉室南遷中原鼎沸士民

無援強則附之既為君臣必須為之盡力

為于
偽翻

彼皆衣

冠舊族先帝遺民今王師弔伐而盡阬之使安所歸乎

竊恐西北之人無復來蘇之望矣

湯征諸侯東面而征西夷怨南面而征北

狄怨曰奚為後我攸徂之民室家胥慶曰俟我後后來其蘇

裕改容謝之然猶斬王

公以下三千人沒入家口萬餘夷其城隍送超詣建康

斬之

隆安二年慕容德建國號南燕二主十三年而亡

臣光曰晉自濟江以來威靈不競戎狄橫騖虎噬中

原劉裕始以王師翦平東夏

驚音務夏戶雅翻

不以此際旌

禮賢俊慰撫疲民宣愷悌之風滌殘穢之政使羣士嚮風遺黎企踵而更恣行屠戮以快忿心迹其施設

曾苻姚之不如宜其不能蕩壹四海成美大之業豈非雖有智勇而無仁義使之然哉

初徐道覆聞劉裕北伐勸盧循乘虛襲建康循不從道

覆自至番禺

番禺音潘恩

說循曰本住嶺外

說輪南翻交廣之地在五嶺之

外豈以理極於此傳之子孫邪正以劉裕難與為敵故

也今裕頓兵堅城之下未有還期我以此思歸死士

孫泰

徒黨本三吳之人孫恩所掠者又三吳人也久在海中故皆懷土思歸

掩擊何劉之徒如

反掌耳

何劉謂何無忌劉毅也

不乘此機而苟求一日之安朝廷

常以君為腹心之疾若裕平齊之後息甲歲餘以璽書

徵君裕自將屯豫章遣諸將帥銳師過嶺

璽音斯氏翻將音即亮翻

帥讀曰率下同

雖復以將軍之神武恐必不能當也

復音扶又翻

今

日之機萬不可失若先克建康傾其根蒂裕雖南還無

能為也君若不同便當帥始興之衆直指尋陽

元興三年循使

道覆攻陷始興因使守之

循甚不樂此舉而無以奪其計乃從之

樂音

洛初道覆使人伐船材於南康山

南康山南康縣之山也吳立南安縣於漢

豫章梅嶺武帝太康元年更名南康所謂梅嶺今大度嶺是也南康山即大庾諸山皆在今南安軍界

至

始興賤賣之

自南康西至始興四百里

居人爭市之船材大積而人

不疑至是悉取以裝艦

艦戶翻

旬日而辦循自始興寇長

沙道覆寇南康廬陵豫章諸守相皆委任奔走

守式又翻相息

亮道覆順流而下

順賴石之流而下

舟械甚盛時克燕之問未

至朝廷急徵劉裕裕方議留鎮下邳經營司雍

雍於用翻

會

得詔書乃以韓範為都督八郡軍事燕郡太守

青州舊督齊濟

南樂安城陽東萊長廣平昌高密八郡而所謂燕郡寸者蓋南燕於廣固置燕都尹而今改為燕郡太守耳封

融為勃海太守檀韶為琅邪太守戊申引兵還韶祇之

兄也久之劉穆之稱範融謀反皆殺之

二人燕之舊臣穆之恐其為變

故殺之

安成忠肅公何無忌自尋陽引兵拒盧循

諡法危身

奉上曰忠剛德克就曰肅

長史鄧潛之諫曰國家安危在此一舉聞

循兵艦大盛執居上流宜決南塘守二城以待之

出漢

豫章南塘縣屬都山漢南塘晉南康之地也新水至南昌縣歷南塘南塘在徐孺子宅西二城謂豫章尋陽也水經注曰豫章城東太湖十里二百二十六步北與城齊南緣廻折至南塘本通贛江增減與江水同漢永元中太守張躬築塘以通南路魚過此水若決南塘則盧循之舟兵無所用可以堅守而待其敵彼必不敢捨我遠下蓄力養銳俟其疲老然後擊之此萬全之

策也今決成敗於一戰萬一失利悔將無及參軍殷闡曰循所將之衆皆三吳舊賊百戰餘勇始興溪子拳捷

善鬪未易輕也

始興溪子謂徐道覆所統始興兵也詩云無拳無勇毛傳曰拳力也將即亮翻

易以將軍宜留屯豫章徵兵屬城兵至合戰未為晚也

若以此衆輕進殆必有悔無忌不聽三月壬申與徐道

覆遇於豫章賊令彊弩數百登西岸小山邀射之

射而亦翻

會西風暴急飄無忌所乘小艦向東岸賊乘風以大艦逼之衆遂奔潰無忌厲聲曰取我蘇武節來節至執以

督戰賊衆雲集無忌辭色無撓

撓奴教翻

握節而死於是中

外震駭朝議欲奉乘輿北走就劉裕

朝直遙翻乘繩證翻

既而知

賊未至乃止

西秦王乾歸攻秦金城郡拔之

夏王

勃勃遣尚書胡金纂攻平涼秦王興救平涼擊金纂殺

之勃勃又遣兄子左將軍羅提攻拔定陽

魏收地形志教城郡有定

陽縣在今廊州廊城縣界

阬將士四千餘人秦將曹熾曹雲王肆佛

等各將數千戶內徙

府即亮翻

興處之湟山及陳倉

據載記湟山澤

名處昌呂翻

勃勃寇隴右破白崖堡遂趣清水

清水縣前漢屬天水郡後

漢省晉分屬略陽郡元豐九域志清水縣在秦州略陽東九十里有白沙鎮縣西又有白石堡趣七喻翻

太守姚壽都棄城走勃勃徙其民萬六千戶於大城興

自安定追之至壽渠川不及而還初南涼王儁檀遣

左將軍枯木等伐沮渠蒙遜掠臨松千餘戶而還張天錫分

張掖置臨松郡五代志甘州張掖縣後周併臨松入馬儁奴沃翻沮子余翻還從宣翻又如字下同蒙遜

伐南涼至顯美徙數千戶而去顯美縣前漢屬張掖郡後漢晉屬武威郡五代

志後周廢顯美入姑臧縣南涼太尉俱延復伐蒙遜大敗而歸復扶又翻

是月儁檀自將五萬騎伐蒙遜將即亮翻戰於窮泉儁檀大

敗單馬奔還蒙遜乘勝進圍姑臧姑臧人懲王鍾之誅

皆驚潰

王鍾誅見上卷四年

夷夏萬餘戶降于蒙遜

夏戶推翻降戶江翻下同

傳檀懼遣司隸校尉敬歸及子佗為質於蒙遜以請和

何承天姓苑敬姓黃帝孫敬康之後風俗通陳敬仲之後質音致

蒙遜許之歸至胡阮

逃還佗為追兵所執蒙遜徙其衆八千餘戶而去右衛

將軍折掘奇鎮據石驢山以叛

石驢山在姑臧西南長寧川西北屬晉昌郡界

張寔討曹祛於晉昌自姑臧西踰石驢據長寧折而討翻掘其月翻

傳檀畏蒙遜之逼且

懼嶺南為奇鎮所據乃遷于樂都

樂音洛

留大司農成公

緒守姑臧傳檀纔出城魏安人侯湛等

晉書載記作焦
湛王侯等湛氏

壬閉門作亂收合三千餘家據南城推焦朗為大都督

龍驤大將軍湛自稱涼州刺史降于蒙遜

傳檀自據姑
臧之後與四

鄰交兵所遇輒敗不惟失姑臧亦不能保樂都矣詩曰
毋田甫田維秀騶騶毋思遠人勞心忉忉正謂此也

劉裕至下邳以船載輜重

重直用翻

自帥精銳步歸

帥讀曰平

至山陽聞何無忌敗死慮京邑失守卷甲魚行

卷讀曰捲與

數十人至淮上

李延壽南史作江上當從之
蓋裕至山陽則已渡淮也

問行人以

朝廷消息行人曰賊尚未至劉公若還便無所憂裕大

喜將濟江風急衆咸難之裕曰若天命助國風當自息

若其不然覆溺何害

弱奴狄翻

即命登舟舟移而風止過江

至京口衆乃大安夏四月癸未裕至建康以江州覆沒

表送章綬詔不許

綬音受

青州刺史諸葛長民兖州刺史

劉藩并州刺史劉道憐各將兵入衛建康

青州兖州并州時皆僑在

江淮間將即亮翻

藩豫州刺史毅之從弟也

從才用翻

毅聞盧循入

寇將拒之而疾作既瘳將行劉裕遺毅書曰吾往習擊

妖賊

孫泰以左道惑衆孫思盧僞昏其黨也故謂之妖賊遺于季翻

妖於矯翻曉其變態賊

新獲姦利其鋒不可輕今修船垂畢當與弟同舉克平

之日上流之任皆以相委又遣劉藩往諭止之毅怒謂

藩曰往以一時之功相推耳汝便謂我真不及劉裕邪

投書于地帥舟師二萬發姑孰

毅時以豫州刺史鎮姑孰帥讀曰率

循之

初入寇也使徐道覆向尋陽循自將攻湘中諸郡

湘中諸郡

漢長沙零桂之地

荊州刺史劉道規遣軍逆戰敗於長沙循進

至巴陵將向江陵徐道覆聞毅將至馳使報循曰

使疏吏翻

毅兵甚盛成敗之事係之於此宜并力摧之若此克捷

江陵不足憂也循即日發巴陵與道覆合兵而下五月

戊午毅與循戰于桑落洲毅兵大敗弃船以數百人步

走餘衆皆為循所虜所弃輜重山積

重直用翻

初循至尋陽

聞裕已還猶不信既破毅乃得審問

審者悉其實也問音問也

與其

黨相視失色循欲退還尋陽攻取江陵據二州以抗朝

廷

二州謂荆江也

道覆謂宜乘勝徑進固爭之循猶豫累日乃

從之己未大赦裕募人為兵賞之同京口赴義之科

裕起

兵於京口以討桓玄赴義之人酬賞重於當時

發民治石頭城

治直之翻

議者謂宜

分兵守諸津要裕曰賊衆我寡若分兵屯守則測人虛

實且一處失利則沮三軍之心

沮在呂翻

今聚衆石頭隨宜

應赴既令彼無以測多少

少詩治翻

又於衆力不分若徒旅

轉集徐更論之耳朝廷聞劉毅敗人情恟懼時止師始

還將士多創病

恟許拱翻創初良翻

建康戰士不盈數千循既克

二鎮

二鎮謂江豫也

戰士十餘萬舟車百里不絕樓船高十二

丈

高古號翻

敗還者爭言其彊盛孟昶諸葛長民欲奉乘輿

過江裕不聽

時江西江北皆無城池可倚昶長民欲奉天子過江不過東走廣陵西據歷陽耳昶

世兩

初何無忌劉毅之南討也昶策其必敗已而果然

至是又謂裕必不能抗循衆頗信之惟龍驤將軍東海

虞丘進廷折昶等以為不然

驤思將翻虞丘複姓史記楚相有虞丘子折之舌翻

中兵參軍王仲德言於裕曰明公命世作輔新建大功

威震六合

魏尚書曹有中兵郎諸公府征鎮亦因而置中兵參軍新建大功謂滅燕也

妖賊

乘虛入寇既聞凱還自當奔潰若先自遁逃則執同匹

夫匹夫號令何以威物此謀若立請從此辭裕甚悅昶

固請不已裕曰今重鎮外傾彊寇內逼人情危駭莫有

固志若一旦遷動便自土崩瓦解江北亦豈可得至設

令得至不過延日月耳今兵士雖少

少詩洛翻下同

自足一戰

若其克濟則臣主同休苟厄運必至我當橫尸廟門遂

其由來以身許國之志不能竄伏草間苟求存活也我

計決矣卿勿復言昶恚其言不行

恚於避翻

且以為必敗因

請死裕怒曰卿且申一戰

申重也

死復何晚

復扶又翻

昶知裕

終不用其言乃抗表自陳曰臣裕北討衆並不同唯臣

贊裕行計

事見上年

致使彊賊乘間社稷危逼臣之罪也

問古

范謹引咎以謝天下封表畢仰藥而死乙丑盧循至淮

口秦淮入江之口也

中外戒嚴琅邪王德文都督宮城諸軍事

屯中堂皇

堂無四壁曰皇

劉裕屯石頭諸將各有屯守裕子義

隆始四歲裕使諮議參軍劉粹輔之鎮京口粹教之族

弟也裕見民臨水望賊怪之以問參軍張劬劬曰若節

鉞未反民奔散之不暇亦何能觀望今當無復恐耳

復扶

又裕謂將佐曰賊若於新亭直進其鋒不可當宜且迴

避勝負之事未可量也

量音良

若迴泊西岸

西岸即蔡州

此成

禽耳徐道覆請於新亭至白石焚舟而上

上時

數道攻

裕循欲以萬全為計謂道覆曰大軍未至盍袒便望風

自裁以大執言之自當計日潰亂今決勝負於一朝乾

沒求利

乾音干

既非必克之道且殺傷士卒不如案兵待

之道覆以循多疑少決乃歎曰我終為盧公所誤事必

無成使我得為英雄驅馳天下不足定也

為于

裕登石

頭城望循軍初見引向新亭顧左右失色既而迴泊蔡

洲乃悅

蔡洲在石頭西岸今建康府上元縣西二十五里有蔡洲

于是眾軍轉集裕

恐循侵軼

軼徒結翻

用虞丘進計伐樹柵石頭淮口修治越

城築查浦藥園廷尉三壘

查浦在大江南岸近秦淮口藥園蓋種芍藥之所廷尉寺

舍所在因以為地名查莊加翻據晉書帝紀三壘皆在淮口

皆以兵守之劉毅經涉

蠻晉

西陽上下羣蠻所居之地謂之蠻其為王民應租稅征役者謂之晉

僅能自免從者

飢疲死亡什七八

從才用翻

丙寅至建康待罪裕慰勉之使

知中外留事

知都督中外諸軍府留事也

毅乞自貶詔降為後將軍

魏長孫嵩至漠北而還

還從宣翻又如字下同

柔然追圍之於

牛川壬申魏主嗣北擊柔然柔然可汗社崙聞之遁走

道死

崙盧
昆翻

其子度拔尚幼部衆立社崙弟斛律號藹豆

盖可汗

可讀從刊入
聲汗音寒

嗣引兵還參合陂

盧循伏兵南

岸

南岸即秦
淮口南岸

使老弱乘舟向白石聲言悉衆自白石步

上

上時
掌翻

劉裕留參軍沈林子徐赤特戍南岸斷查浦

斷
丁

管翻戒令堅守勿動裕及劉毅諸葛長民止出拒之林子

曰妖賊此言未必有實宜深為之防裕曰石頭城險且

淮柵甚固留卿在後足以守之林子穆夫之子也

沈穆
夫吳

典武康人隆安三年孫恩寇會稽三吳響應穆夫在
會稽思以為餘姚令思為劉牢之所破并殺穆夫

庚

辰盧循焚查浦進至張侯橋徐赤特將擊之林子曰賊

聲徃白石而屢來挑戰

挑徒了翻

其情可知吾衆寡不敵不

如守險以待大軍赤特不從遂出戰伏兵發赤特大敗

單舸奔淮北

秦淮北岸也

林子及將軍劉鍾據柵力戰朱齡

石救之賊乃退循引精兵大上至丹陽郡

丹陽郡丹陽尹治所也上

時掌

裕帥諸軍馳還石頭

帥讀曰車

斬徐赤特解甲久之乃

出陳於南塘

南塘秦淮南岸也陳讀曰陣

六月以劉裕為太尉中

書監加黃鉞裕受黃鉞餘固辭以車騎中軍司馬庾悅

為江州刺史悅準之子也

劉裕為車騎將軍以劉敬宣征蜀失利乞降號中軍將軍

故車騎中軍二府共一司馬庾準庾亮之孫也

司馬國璠及弟叔璠叔道奔

秦

璠字秦

秦王興曰劉裕方誅桓玄輔晉室卿何為來對

曰裕削弱王室臣宗族有自修立者裕輒除之方為國患甚於桓玄耳興以國璠為揚州刺史叔道為交州刺史盧循寇掠諸縣無所得謂徐道覆曰師老矣不如還尋陽并力取荊州據天下三分之二徐更與建康爭衡耳秋七月庾申循自蔡洲南還尋陽留其黨范崇民

將五千人據南陵

南陵在宣城郡宣城縣西梁置南陵郡及南陵縣蓋漢丹陽郡石城縣之

界也今為池州青池縣地循處兵有利鈍欲南歸番禺故使崇民守之以固彭蠡湖口宋白曰柵江口對岸即

舊南陵縣地今為繁昌縣

甲子裕使輔國將軍王仲德廣川太守劉

鍾河間內史蘭陵蒯恩中軍諮議參軍孟懷玉等帥眾

追循

帥讀曰率

乙丑魏主嗣還平城西秦王乾歸討越

質屈機等十餘部

越質鮮卑種也其酋曰叱黎叱黎之子曰詰歸孝武太元十六年降于乾

歸二十一年叛降秦屈機即詰歸也語稍訛耳

降其眾二萬五千

降戶江翻徙于苑

川八月乾歸復都苑川

乞伏氏本都度堅山乾歸強盛始都苑川既為秦所破而降于

秦秦使鎮苑川復叛恐為秦所襲還保
度堅山今郿衆浸盛不畏秦復都苑川

沮渠蒙遜伐

西涼敗西涼世子歆于馬廟

古者祭馬祖後世因立廟祭之故名其地為馬廟

禽其將朱元虎而還涼公曷以銀二千斤金二千兩贖

元虎蒙遜歸之遂與曷結盟而還

將即亮翻曷古老翻

劉裕還

東府

盧循退裕乃還東府

大治水軍

治直翻

遣建威將軍會稽孫處

振武將軍沈田子帥衆三千自海道襲番禺

會工外翻處昌呂翻

帥讀曰率番禺音潘愚

田子林子之兄也衆皆以為海道艱遠必

至為難且分擻見力

見賢通翻下同

非目前之急裕不從敕處

曰大軍十二月之交必破妖虜卿至時先傾其巢窟使
彼走無所歸也 譙縱遣侍中譙良等入見於秦請兵

以伐晉

見賢通翻

縱以桓譙為荊州刺史譙道福為梁州刺

史帥衆二萬寇荊州秦王興遣前將軍苟林帥騎兵會

之江陵自盧循東下不得建康之問

問問音

羣盜互起荆

州刺史劉道規遣司馬王鎮之帥天門太守檀道濟

吳孫

休永安六年分武陵立天門郡充縣有松梁山山有石
石開處數十丈其高以弩仰射不至其上名天門因以
名郡與地志澧州石門縣 廣武將軍彭城到彥之入援
古天門郡帥請曰率下同

建康道濟祇之弟也鎮之至尋陽為荀林所破盧循聞之以林為南蠻校尉分兵配之使乘勝伐江陵聲言徐道覆已克建康桓譙於道召募義舊

桓氏世居荆楚舊思所結義不相忘

謂之義舊

民投之者二萬人譙屯枝江

枝江縣自漢以來屬南郡春秋之羅國也

江水於縣西別出為沱而東復合於江故曰枝江我朝熙寧六年省枝江為鎮入松滋縣

林屯江津

二寇交逼江陵士民多懷異心道規乃會將士告之曰

桓譙今在近道聞諸長者頗有去就之計

長知兩翻

吾東來

文武足以濟事

東來文武謂道規從行將佐兵士也

若欲去者本不相禁

因夜開城門達曉不閉衆咸懾服莫有去者雍州刺史

魯宗之帥衆數千自襄陽赴江陵

雍於用翻

或謂宗之情未

可測道規單馬迎之宗之感悅道規使宗之居守

守式又翻

委以腹心自帥諸軍攻譙諸將佐皆曰今遠出討譙其

勝難必苟林近在江津伺人動靜

伺相史翻

若來攻城宗之

未必能固脫有蹉跌

蹉倉何翻跌徒結翻

大事去矣道規曰苟林

愚懦無它奇計以吾去未遠必不敢向城吾今取譙往

至便克沈疑之間已自還返

沈持林翻沈疑疑決也還音旋

譙敗則林

破膽豈暇得來且宗之獨守何為不支數日乃馳往攻

譙水陸齊進譙等大陳舟師兼以步騎戰於枝江檀道

濟先進陷陳

陷陳讀曰陣

譙等大敗譙單舸奔苟林道規追

斬之還至涌口

水經注涌水自夏水南通於江謂之涌口春秋左氏傳所謂閭敖游涌而逸者

也在江陵城東杜預曰涌水在南郡華容縣涌音勇

討林林走道規遣諮議參軍

臨淮劉遵帥衆追之初譙至枝江江陵士民皆與譙書

言城內虛實欲為內應至是檢得之道規悉焚不視衆

於是大安

江州刺史庾悅以鄱陽太守虞丘進為前

驅屢破盧循兵進據豫章絕循糧道九月劉遵斬荀林

于巴陵桓石綏因循入寇起兵洛口

水經注漢水過魏興安陽縣又東至

漢城南與洛谷水合水北出洛谷谷北通長安其水南流注漢水所謂洛口也

自號荊州刺史

徵陽令王天恩自號梁州刺史

徵陽當作徵陽晉地理志徵陽縣屬上庸郡沈

約曰魏立建始縣晉武帝改曰徵陽周武王之伐紂庸蜀羌髳微盧彭濮八國從之竊意徵陽縣蓋因古微國

而得名而襲據西城梁州刺史傅韶遣其子魏興太守

弘之討石綏等皆斬之桓氏遂滅韶暢之孫也西秦

王乾歸攻秦略陽南安隴西諸郡皆克之徙民二萬五

千戶於苑川及枹罕

枹音膚

甲寅葬魏主珪於盛樂金

陵謚曰宣武廟號烈祖

宋高祖永初元年魏改謚珪曰道武皇帝

劉毅固

求追討盧循長史王誕密言於劉裕曰毅既喪敗不宜

復使立功

喪息浪翻復扶又翻下無復同

裕從之冬十月裕帥兗州刺

史劉藩寧朔將軍檀韶冠軍將軍劉敬宣等南擊盧循

帥讀曰率下同冠古玩翻以劉毅監太尉留府後事皆委焉

監音工銜翻

癸巳裕發建康

徐道覆率衆三萬趣江陵奄至破冢

破冢在江岸之東趣七喻翻

時魯宗之已還襄陽追名不及人情大

震或傳循已平京邑遣道覆來為刺史江漢士民感劉

道規焚書之恩無復貳志

復扶又翻

道規使劉遵別為遊軍

自拒道覆於豫章口前驅失利遵自外橫擊大破之斬

首萬餘級赴水死者殆盡道覆單舸走還湓口

湓蒲初奔翻

道規使遵為遊軍衆咸以為彊敵在前唯患衆少不應

分割見力置無用之地

見賢通翻

及破道覆卒得遊軍之力

卒子

衆心乃服

鮮卑僕渾羌句豈輸報鄧若等帥戶

二萬降于西秦

鮮卑有僕渾部句豈輸報鄧若則羌種也句古庚翻

王仲德等

聞劉裕大軍且至進攻范崇民於南陵崇民戰艦夾屯

西岸

艦戶

十一月劉鍾自行覘賊

覘丑廬翻又丑鮑翻

天霧賊鉤

得其舸鍾因帥左右攻艦戶

艦戶今舟人謂之馬門

賊遽閉戶拒

之鍾乃徐還與仲德共攻崇民崇民走

崇民走則裕可徑進猶失湖口

之癸丑益州刺史鮑陋卒譙道福陷巴東殺守將溫

祚時延祖

溫祚本巴東太守時延祖自劉敬宣黃虎之退皆屯巴東將即亮翻

盧循兵

守廣州者不以海道為虞庾戍孫處乘海奄至會大霧

四面攻之即日拔其城處撫其舊民戮循親黨勒兵謹

守分遣沈田子等擊嶺表諸郡 劉裕軍雷池盧循揚

聲不攻雷池當乘流徑下裕知其欲戰十二月己卯進

軍大雷

杜佑曰晉大雷戍舒州望江縣是今皖口之西有雷江口即其地宋書志云望江縣西岸有大

雷江自尋陽蔡桑沿流三百里入江即望江縣庚辰盧循徐道覆帥衆數萬塞

江而下

塞急則翻

前後莫見舳舻之際

舳音逐

裕悉出輕艦

帥衆軍齊力擊之又分步騎屯於西岸先備火具裕以

勁弩射循軍

射而亦翻

因風水之勢以威之循艦悉泊西岸

岸上軍投火焚之烟炎漲天

烟與煙同炎讀曰餒

循兵大敗走還

尋陽將趣豫章

趣七喻翻

乃悉力柵斷左里

左里以其地在章江之左故名

杜佑曰左里即江州尋陽縣彭蠡湖口斷丁管翻

丙申裕軍至左里不得進裕

麾兵將戰所執麾竿折幡沈於水衆並怪懼裕笑曰往

年覆舟之戰

謂討桓玄與桓謙等戰時也折而訖翻沈持林翻

幡竿亦折今者

復然

復扶又翻

賊必破矣即攻柵而進循兵雖殊死戰弗能

禁循單舸走

舸古我翻

所殺及投水死者凡萬餘人納其降

附宥其逼略

降戶江翻

遣劉藩孟懷玉輕軍追之循收散卒

尚有數千人徑還番禺

番禺音焉音

道覆走保始興裕板建

威將軍褚裕之行廣州刺史裕之哀之曾孫也

褚哀崇德太后

之父哀蒲侯翻

裕還建康劉毅惡劉穆之每從容與裕言穆之

權太重

惡烏路翻從于容翻

裕益親任之

燕廣川公萬泥上谷

公乳陳自以宗室有大功

慕容熙之死萬泥乳陳皆有功

謂當入為公

輔燕王跋以二藩任重久而弗徵

跋以萬泥為幽平二州牧鎮肥如乳陳為

并青二州牧鎮白狼

二人皆怨是歲乳陳密遣人告萬泥曰乳陳

有至謀願與叔父圖之萬泥遂奔白狼與乳陳俱叛跋遣汲郡公弘與張興將步騎二萬討之弘先遣使諭以

禍福萬泥欲降乳陳不可

將即亮翻騎奇寄翻使疏吏翻降戶江翻下同

興謂

弘曰賊明日出戰今夜必來驚我營宜為之備弘乃密令人課草十束畜火伏兵以待之是夜乳陳果遣壯士

餘人來斫營衆火俱起伏兵邀擊俘斬無遺萬泥乳懼而出降弘皆斬之跋以范陽公素弗為大司馬改

封遼西公弘為驃騎大將軍改封中山公

驃匹妙翻騎奇寄翻

資治通鑑卷一百一十五



總校官庶吉士臣侍朝

校對官檢討臣王坦修

謄錄監生臣張承恩